

gestallt hunn, deen net zu Contestatioune féiert an deen ok fir jidder-een ass. Ech sinn op jidde Fall iwwert déi Zorte Remarquë vun deenen engen a vun deenen anere Säfte selbstverständlech ganz zefridden.

Et ass also en Accord, dee sech och am Kader vun de Kollektivvertrëg beweegt, sou wéi se an deene leschte Joren am Privatsecteur gemaach ginn. An ech menge kënnen ze soen, datt et schlussendlech en Accord ass, deen esou ass, wéi en am Regierungsprogramm definéiert ass: kontinuéierlech a moderat, en ass der ekonomescher an der finanzieller Situation vum Land ugepasst, an ech géینگ soen, et ass e responsabelen, et ass e räsionabelen an et ass en ekonomesch veräntwertbaren Accord, wou Dir haut een Deel ofstëmmt.

Ech soen all deene Fraktiounen, déi hir Zoustëmmung ginn hunn - dat si se alleguer -, villmools Merci.

Plusieurs voix. - Très bien.

M. le Président. - Merci, Här Minister. D'Diskussioun ass domat definitiv ofgeschloss a mir kommen elo zur Ofstëmmung iwwert dëse Projet de loi.

Vote sur l'ensemble du projet de loi et dispense du second vote constitutionnel

De Projet de loi 5486 ass ugeholl mat 57 Jo-Stëmme bei 1 Abstent-ioun.

Ont voté oui: Mme Nancy Arendt, M. Lucien Clement, Mmes Christine Doerner, Marie-Josée Frank, Marie-Thérèse Gantenbein-Koulen, MM. Marcel Glesener, Norbert Hauptert, Mme Françoise Hetto-Gaasch (par M. Marc Spautz), MM. Ali Kaes, François Maroldt, Paul-Henri Meyers, Laurent Mosar, Marcel Oberweis, Patrick Santer, Marcel Sauber, Jean-Paul Schaaf (par M. Marcel Oberweis), Marco Schank, Marc Spautz, Mmes Nelly Stein, Martine Stein-Mergen, MM. Fred Sunnen, Lucien Thiel, Lucien Weiler et Michel Wolter;

MM. Marc Angel, Alex Bodry (par M. Ben Fayot), John Castegnaro, Mme Claudia Dall'Agnol, M. Fernand Diederich, Mme Lydie Err, MM. Ben Fayot, Jean-Pierre Klein, Mme Lydia Mutsch, MM. Roger Negri, Jos Scheuer, Romain Schneider, Roland Schreiner et Mme Vera Spautz;

MM. Xavier Bettel, Niki Bettendorf, Mme Anne Brasseur, M. Emile Calmes (par M. Xavier Bettel), Mme Colette Flesch, MM. Charles Goerens, Henri Grethen, Paul Helming, Claude Meisch (par Mme Colette Flesch) et Carlo Wagner (par M. Henri Grethen);

MM. Claude Adam, François Bausch (par Mme Viviane Loschetter), Félix Braz (par M. Claude Adam), Camille Gira (par M. Henri Kox), Jean Huss, Henri Kox et Mme Viviane Loschetter;

MM. Gast Gibéryen et Aly Jaerling (par M. Robert Mehlen).

S'est abstenu: M. Robert Mehlen.

Gëtt d'Chamber d'Dispens vum zweete Vote constitutionnel?

(Assentiment)

Dann ass et esou decidéiert.

3. 5338 - Projet de loi portant création d'un Lycée technique pour professions éducatives et sociales (suite)

Mir kommen elo zur Ofstëmmung iwwert de Projet de loi 5338 portant création d'un Lycée technique pour professions éducatives et sociales.

Vote sur l'ensemble du projet de loi et dispense du second vote constitutionnel

De Projet de loi 5338 ass ugeholl mat 59 Jo-Stëmmen.

Ont voté oui: Mme Nancy Arendt, M. Lucien Clement, Mmes Christine Doerner, Marie-Josée Frank,

Marie-Thérèse Gantenbein-Koulen, MM. Marcel Glesener, Norbert Hauptert, Mme Françoise Hetto-Gaasch (par M. Marc Spautz), MM. Ali Kaes, François Maroldt, Paul-Henri Meyers, Laurent Mosar, Marcel Oberweis, Patrick Santer, Marcel Sauber, Jean-Paul Schaaf (par M. Marco Schank), Marco Schank, Marc Spautz, Mmes Nelly Stein, Martine Stein-Mergen, MM. Fred Sunnen, Lucien Thiel, Lucien Weiler et Michel Wolter;

MM. Marc Angel, Alex Bodry (par M. Fernand Diederich), John Castegnaro, Mme Claudia Dall'Agnol, M. Fernand Diederich, Mme Lydie Err, MM. Ben Fayot, Jean-Pierre Klein, Mme Lydia Mutsch, MM. Roger Negri, Jos Scheuer, Romain Schneider, Roland Schreiner et Mme Vera Spautz;

MM. Xavier Bettel, Niki Bettendorf, Mme Anne Brasseur, M. Emile Calmes (par M. Xavier Bettel), Mme Colette Flesch, MM. Charles Goerens, Henri Grethen, Paul Helming, Claude Meisch (par Mme Colette Flesch) et Carlo Wagner (par Mme Anne Brasseur);

MM. Claude Adam, François Bausch (par Mme Viviane Loschetter), Félix Braz (par M. Claude Adam), Camille Gira (par M. Henri Kox), Jean Huss, Henri Kox et Mme Viviane Loschetter;

MM. Gast Gibéryen, Jacques-Yves Henckes (par M. Robert Mehlen), Aly Jaerling (par M. Gast Gibéryen) et Robert Mehlen.

Gëtt d'Chamber d'Dispens vum zweete Vote constitutionnel?

(Assentiment)

Dann ass et esou decidéiert.

Motion 1

Gëschter huet d'Madame Loschetter eng Motioun zu dësem Projet déposéiert. Mir stëmmen elo iwwert dës Motioun of. Kënne mer par main levée ofstëmmen?

(Assentiment)

Vote

Wien ass d'accord mat der Motioun vun der Madame Loschetter?

(Interruptions)

Jo. Ween d'accord ass, deen ass gebieden d'Hand an d'Luucht ze hiewen.

Déi Motioun ass mat écrasanter Majoritéit ugeholl.

4. 5408 - Projet de loi portant modification de l'article 12 de la loi du 28 avril 1998 portant

a) harmonisation de l'enseignement musical dans le secteur communal;

b) modification de l'article 5 de la loi du 24 mai 1989 sur le contrat de travail;

c) modification de la loi modifiée du 22 juin 1963 fixant le régime des traitements des fonctionnaires de l'État (suite)

Dir Dammen an Dir Hären, mir kommen dann zur Ofstëmmung iwwert de Projet de loi 5408 iwwert d'Harmonisatioun vum Enseignement musical dans le secteur communal.

Vote sur l'ensemble du projet de loi et dispense du second vote constitutionnel

De Projet de loi 5408 ass ugeholl mat 59 Jo-Stëmmen.

Ont voté oui: Mme Nancy Arendt, M. Lucien Clement, Mmes Christine Doerner, Marie-Josée Frank, Marie-Thérèse Gantenbein-Koulen, MM. Marcel Glesener, Norbert Hauptert, Mme Françoise Hetto-Gaasch (par M. Lucien Thiel), MM. Ali Kaes, François Maroldt, Paul-Henri Meyers, Laurent Mosar, Marcel Oberweis, Patrick Santer, Marcel Sauber, Jean-Paul Schaaf (par

M. Marco Schank), Marco Schank, Marc Spautz, Mmes Nelly Stein, Martine Stein-Mergen, MM. Fred Sunnen, Lucien Thiel, Lucien Weiler et Michel Wolter;

MM. Marc Angel, Alex Bodry (par M. Romain Schneider), John Castegnaro, Mme Claudia Dall'Agnol, M. Fernand Diederich, Mme Lydie Err, MM. Ben Fayot, Jean-Pierre Klein (par Mme Claudia Dall'Agnol), Mme Lydia Mutsch, MM. Roger Negri, Jos Scheuer, Romain Schneider, Roland Schreiner et Mme Vera Spautz;

MM. Xavier Bettel, Niki Bettendorf, Mme Anne Brasseur, M. Emile Calmes (par M. Xavier Bettel), Mme Colette Flesch, MM. Charles Goerens, Henri Grethen, Paul Helming, Claude Meisch (par Mme Anne Brasseur) et Carlo Wagner (par M. Henri Grethen);

MM. Claude Adam, François Bausch (par Mme Viviane Loschetter), Félix Braz (par M. Claude Adam), Camille Gira (par M. Henri Kox), Jean Huss, Henri Kox et Mme Viviane Loschetter;

MM. Gast Gibéryen, Jacques-Yves Henckes (par M. Gast Gibéryen), Aly Jaerling (par M. Robert Mehlen) et Robert Mehlen.

Gëtt d'Chamber d'Dispens vum zweete Vote constitutionnel?

(Assentiment)

Dann ass et esou decidéiert.

Mir kommen elo zur Diskussioun vum Projet de loi 5476, eng Ofännerung vum Gesetz iwwert de Bau vun der Cité judiciaire. Bis elo sinn ageschriwwen: den Här Clement, d'Madame Brasseur, den Här Scheuer, d'Madame Loschetter an den Här Mehlen. D'Wuert huet elo de Rapporteur vum Projet de loi, den honorablen Här Marcel Sauber. Här Sauber.

5. 5476 - Projet de loi modifiant la loi du 6 avril 1999 relative à la construction d'une cité judiciaire au plateau du St-Esprit à Luxembourg

Rapport de la Commission des Travaux publics

M. Marcel Sauber (CSV), rapporteur. - Här President, Dir Dammen an Dir Hären, d'Lëtzeburger Justiz waart zënter Joren, fir net ze soe schonn zënter Jorzéngten, op Aarbechtskonditiounen, déi am Fong engem drëtten Pouvoir hei am Land kënnte gerecht ginn.

(Brouhaha général)

M. le Président. - Ech géif bieden dem Rapporteur nozelauschteren.

M. Marcel Sauber (CSV), rapporteur. - „Ein langer und extrem komplizierter Weg“ huet eng Tageszeitung den 30. Juli 2003 tituliert an dann och déi ganz Geschicht vun der Cité judiciaire, wéi mer se elo hei kucken, retracéiert.

Den Hierscht 2003 ass et da schlussendlech ugaangen an elo gesäit een, dass déi Gebailechkeeten ufänke konkret Form ze kréien. Ech weess net ob et Sënn mécht, déi ganz Debatten, Propositionen a Géigepositionen nach eng Kéier hei ze widderhuelen oder ze thematiséieren. Op alle Fall ass et esou, datt duerch d'Gesetz vum 6. Abrëll 1999 d'Regierung habilitéiert ginn ass, d'Cité judiciaire op dem Site vum Helleg-Geescht-Plateau opzerichten. Och duerno ass dëse Site scho méi wéi eng Kéier a Fro gestallt ginn, wat awer net den Objet vu mengem Rapport soll sinn.

Elo, no méi wéi sechs Joer, sinn d'Aarbechte scho relativ wäit gediehen a wäerten och - wann elo alles riicht viruleeft - fir 2007 ofge-

schloss kënne ginn. Wiem dësen Zäitraum wéi eng Éiwegkeet virkënn, dee wëll ech drop hiweisen, datt schonn 1902 festgestallt gouf, datt de Palais de Justice vill ze kleng ass, fir de ganze Justizapparat ënnerzebréngen. Deemools waren doriwwer eraus nach eng Partie Schied um Gebai festgestallt ginn, dat jo am 16. Jorhonnert als Gouverneurspalast gedéngt huet an och, wann ech mech gutt erënnere, Palais de Berlaymont genannt gëtt. An der Kommissioun konnte mer gewuer ginn, datt d'Regierung am Moment nach näischt decidéiert huet, wat mat deem ale Justizpalast soll geschéien.

(M. Laurent Mosar prend la Présidence)

Den Objet vum virleien Gesetzesprojet ass u sech eng Rallonge budgétaire vu 25.950.000 Euro, déi awer net als Rallonge duergestallt gëtt, mä a Form vun engem neien Devis, deen dee ganze Projet erëm nei iwwerkuckt. Dat heescht den originale Projet war ugesat mat 99.250.000 Euro, elo hu mer en Devis virleie vun 125 Milliounen Euro. Eng Zomm, déi sech doduerch erkläre léisst, datt eng ganz Partie Neierungen hu misse virgeholl ginn un dem Projet, dee ganz iwwerholl ginn ass, nodeems d'UNESCO, de Conseil international des monuments et des sites - kuerz ICOMOS genannt - an d'Stad Lëtzebuerg deene Bedenke Rechnung gedroen hunn.

Den Haaptkritikpunkt loung virun allem doranner, datt de Projet u sech ze kompakt wier a sech géif negativ op d'Silhouette vun der Stad Lëtzebuerg auswierken. Dobäi koum dann och nach d'Découverte vun enger archeologescher Krypta, oder vun engem Klouschter aus dem 13. Jorhonnert, wou ICOMOS gemengt huet, déi misste virun erhale bleiwen.

Dat Ganzt huet da mat sech bruecht, datt wesentlech substanzuell Ännerungen un de Baupläng komm sinn, a fir eng Iddi ze ginn, ouni se elo am Detail hei ze skizzéieren, wëll ech der kuerz e puer opzielen:

D'Gebai vum Parquet vum Bezirksgeriicht ass ganz iwwerschaaft ginn.

D'Gebai vum Service central d'Assistance sociale ass ganz aus de Baupläng erausgeholl ginn a soll an d'Gebai vun den Nationalarchiven transféréiert ginn.

D'Nationalarchivë komme jo bekanntlecherweis op Esch/Belval, mä en attendant, fir dann do genügend Plaz ze hu fir ze stockéieren, gëtt dann en Deel vum Parking als Zwëscheleisung geholl fir ze stockéieren.

Déi Ëmännerunge brénge mat sech, datt am Kader vun de Parkingsméiglechkeeten och huet misse geschnëppelt ginn op déi eng Manéier an op déi aner Manéier erëm weider ausgebaut ginn. Elo si mer bei 310 Parkingen am Plaz vu 440.

D'Jugendgericht gëtt op eng aner Plaz higesat.

D'Friddensgericht erfiert llicht Ëmännerungen.

Dat Gebai vun de Locaux communs gëtt réaménagéiert, esou datt ee genügend Distanz zum Kounnenhiwwel behält.

De Projet vun der Tour des vents gëtt komplett fale gelooss.

An déi aachteckeg Tour vum Bezirksgeriicht gouf vergréissert, fir haaptsächlech och d'Cogénérationszentral mat ënnerzebréngen.

Déi wichtegst Ännerung um Projet ass awer d'Schafung vun der Crypte archéologique, wéi eben d'UNESCO an d'ICOMOS sech dat geduecht hunn. Do fällt natierlech en Deel och vun deem geplangte Parking dann ewech.

Déi Krypta, déi dann aus dem 13. Jorhonnert d'Iwwerreschter mat sech eriwuer bréngt, huet eng Surface vu 60 op 46 Meter. Dat bedeit dann och déi grouss Distanz. Dat bedeit dann och, datt e Système

porteur, deen aussergewéinlech ass, huet misse do eragezu ginn. An zwar gëtt eng Dalle mat enger Déckt vun 1,3 Meter do duerggezunn, also 1 Meter 30, wat relativ grouss ass, wat relativ och kostspilleg ass. Mä déi awer noutwendeg ass, net nëmmen eleng fir déi Crypte do ze iwwerdecken, mä deen och noutwendeg ass fir déi Gebailechkeeten, déi verréckelt gi sinn, oder déi dorobber stoe kommen, kënne matzedroen.

Iwwert déi nei Répartitioun vun de Surface géing ech dann op de schréffleche Rapport vun der Kommissioun hiweisen, respektiv och op den Exposé des motifs, deen dem Projet bäiläit, deen explizit op deem dote Gebitt ass.

Ech wëll just an dësem Kontext vläicht nach ervirhiewen, datt d'Surface de réserve, déi '99 virgesi war op 3.400 m², elo praktesch verschafft gëtt, an deem Sënn datt dem Personalzouwuess an der Justiz Rechnung gedroe gëtt, an dee sech soll bis 2009 schlussendlech op 400 Unitéite belafen.

De Projet lant dann deementsprechend op 125 Milliounen. Dat heescht 26 Milliounen méi wéi deen éischte Projet, dat bei engem Bauindex vu 501,34 Punkten, datéiert op den 1. Abrëll 1998.

Léif Kolleeginnen a Kolleegen, dat sinn am Fong d'Eckpfeiler vun dësem Projet, deen natierlech och eng Partie Observatiounen vun dem Statsrot nogezunn huet.

Eng éischt Kritik vum Statsrot ass déi wou e seet, de Projet wär net genügend duerschduecht gewiescht, e wär net seriö géréiert ginn an et wären ze vill Modifikatiounen a Réaménagementen komm.

Bon, ech mengen do muss ee feststellen, datt effektiv eng ganz Partie Réaménagementen komm sinn, déi awer vu baussen eran diktéiert gi sinn - ICOMOS, Stad Lëtzebuerg, UNESCO -, wat mat sech bruecht huet, datt de Projet komplett eng aner Form kritt huet wéi virdrun, well och der Silhouette vun der Stad anescht Rechnung gedroe ginn ass wéi am éischte Projet. D'Kommissioun ralliéiert sech do also un de Projet selwer vun dem Minister.

Da seet de Statsrot, fréier oder bis elo an deene meeschten Dépassementsprojeten ass eng Rallonge budgétaire gestëmmt ginn. Hei kënnt elo en neien Devis, wou de Statsrot dann och mengt, et hätt ee solle bleiwe bei deem ale System.

Bon, d'Kommissioun ass net där Meinung, well se seet, dee Projet hei ass u sech praktesch bal en neie Projet an et gewënnt un Transparenz, wann een dohinner geet an effektiv dann den Devis nei opzitt. Esou datt do d'Kommissioun der Proposition vum Statsrot och net nokënn.

Eng weider Kritik ass, wou de Statsrot sech d'Fro stellt, ob et net besser gewiescht wär, wat dat Klouschter aus dem 13. Jorhonnert ubelaangt, eng méi bëlleg Solution ze fannen. Wou en dann drop hiweist, vläicht hätt een dat kënne maache mat informatischen oder didakteschen Utensilien.

Bon, d'Kommissioun ass net där Meinung, well eben och ICOMOS an UNESCO gemengt hunn, dat do misst kënne erhale bleiwen. An et gesäit och ganz gutt aus, als Vestige vun der Lëtzeburger Vergaangenheet. Mir haten d'Méiglechkeet de Chantier besichen ze goen an dat ass relativ impressiönant.

(Interruption)

Well de Moment nach e Meter Sand drop läit, deen duerno dann effektiv mam Läffelche muss erausgeholl ginn. Mä dat sinn eben d'Tücke wann ee soll bauen op esou engem Site.

De Statsrot kënnt dann och un déi Käschte vun der Arichtung vun der Crypte archéologique, wou e seet, et wär besser gewiescht, wann een och déi Käschte mat an den Devis erageholl hätt, am Plaz datt déi de

Moment am Budget vun dem Kulturministère stinn.

D'Kommissioun follegt do och net dem Statsrot, well se der Meenung ass, et wieren zwou verschidde Saachen. Dat Eent ass d'Konstruktioun an dat Anert ass da méi wat de Fonctionnement soll ubelaangen.

Mä à propos Fonctionnement, do huet de Statsrot eng Opposition formelle mat erabruecht a sàin Avis, well eben am Projet op enger gewëssener Plaz e Poste steet, Frais de location de parking. An do ass de Raisonnement vum Statsrot, dat do si keng Dépenses en capital, et si keng Dépenses d'investissement also, mä et sinn Dépenses de fonctionnement, an déi géingen net an de Projet hei eragehéieren. Sous peine d'opposition formelle, nach eng Kéier.

D'Kommissioun huet sech länger Zäit doriwwer ënnerhal an do ginn et pour le moins zwou Philosophien. Dat Eent ass déi, déi de Statsrot geholl huet, wou e seet, déi Frais de location, dat si keng Frais d'investissement. Déi aner Philosophie ass déi, wou ee kann awer och soen: Majo, dat do sinn net richteg Locatiounsfraisën, mä et ass am Fong eng Compensation pour pertes de revenu fir den Exploitant vum Parking, well eben hei de Commettant huet missen dohinner goen an dee Parking deelweis besetzen, fir kënnen déi nei Konstruktioun ze bauen.

Et ass also eng Dépense, déi noutwendeg ass fir den Investissement ze maachen. An aus där Optik eraus géing et scho passen, datt déi Dépenses hei mat drastinn.

Elo kann een iwwert déi zwou Approché streiden, mä et muss een awer net driwwer streiden. An d'Kommissioun huet geduecht, si géing net driwwer streiden, well de Betrag ass relativ geringfügeg. Et geet ëm 215.000 Euro an et si genügend Suen op engem Budgetsposte bei de Finanzen, fir dat do kënnen als Locatioun ze bezuelen.

Aus där Optik huet dann och d'Kommissioun der Vue vum Statsrot Rechnung gedroen a se huet dann och deementspreechend dee Betrag vun der Locatioun erausgeholl aus dem definitive Betrag vun dem Projet de loi, esou datt dee sech elo op 125 Milliounen Euro beleeft.

Dir Dammen an Dir Hären, wat nach vläicht wichteg ass an deem Kontext ze soen, datt ass datt déi Ännerungen do net en vase clos geholl gi sinn, mä datt regelméisseg déi zoustänneg parlamentaresch Kommissiounen, ob dat déi vun de Bauten, vun der Kultur oder vun der Justice sinn, a Kenntnis gesat gi sinn. Doriwwer eraus huet och d'parlamentaresch Konten- a Budgetskontrollkommissioun de 6. Dezember 2004 Kenntnis kritt vun deenen neien Optiken.

Och wann de Bauteminister Claude Wiseler wichteg Émännerunge bei der Prozedur vun der Approbatioun vun de Projeten ugekënnegt huet, déi an hirer Philosophie e Plus un Transparenz mat sech bréngen, sou bleift awer ze soen, datt sech dës Prozeduren net retroaktiv op Projekte bezéie kënnen, déi amgaange si realiséiert ze ginn. Aus deem Grond kann d'Kommissioun d'Approche, wéi se am Kader vun deem Text virgesinn ass, weiderhi matdroen.

Et ass och esou, wann ee sech dat iwwerleet, déi heiteg Prozedur vun de Marchés publics, op jidde Fall bei Aarbechten, déi eng gréisser Envergerung hunn, déi muss forcément oder praktesch an all Fall bal op Dépassementer ausaarten. Well am Fong geet et jo esou, datt opgrond vun engem Devis sommaire e Gesetzesprojet gestëmmt gëtt, an duerno, wann d'Autorisatioun da vum Législateur do ass, da ginn d'Etüde gemaach, da kommen eng Partie Facteurs vu baussen oder vu bannen an da kënnt eréischt den definitiven Devis. Mä am Gesetzesprojet ass awer den Devis sommaire dran.

Déi nei Prozedur, déi de Bauteminister viru kuerzem der Chamberskommissioun, déi zoustänneg ass fir d'Kontroll vun der Exekutioun vum Budget, presentéiert huet, dréit dës Kritiken, déi un de System vun haut geriicht sinn, Rechnung. Méi Transparenz, méi Informatioun, méi Kontroll, ugefaange beim Accord politique fir e Projet ausschaffen ze loosse bis hin zur Ausaarbechtung vun engem detailléierten Avant-projet, deen et erlaabt e seriösen Devis auszuschaffen, deen dann och eréischt dee Moment an engem Gesetz verankert gëtt, bis hin zu enger permanenter Finanzkontroll an och der Regel, wéini datt d'Chamber muss bei Zwëschenetappen informéiert ginn oder mat Zousatzgesetzter befaasst ginn.

Dir Dammen an Dir Hären, dat Beispill vun der Cité judiciaire illustriert wéi en Devis, no der jëtzege Prozedur, ganz séier dérapéiere kann, an dat net opgrond vu politeschen oder administrativen Interventiounen, mä duerch Awierkungen - souguer berechtigter - vun dobaussen. Hei wier et also falsch vun engem Dérapage ze schwätzen. Mä dat wonnert net, datt d'Mise en musique vun der neier Prozedur esou séier wéi méiglech sech imposéiert.

Schlussendlech nach e Wuert zu de Locatiounskäschten. D'Kommissioun schléisst sech do dem Statsrot un, fir eben der Opposition formelle aus de Féiss ze goen, a si hält dat schlussendlech aus dem Text eraus, aus dem Devis eraus, déi 215.000 Euro, vun deenen ech lech virdru geschwat hunn. Fir zousätzlech Informatiounen weisen ech op de schrëftleche Rapport, mä awer och op de Projet selwer hin, dee genügend Detailer bréngt, fir datt ee sech kann e konkret Bild do maachen.

Ech ka mat Recht behaupten, datt mer an der Kommissioun, wou mer zu engem majoritären Avis komm sinn, an engem konstruktive Geescht konnte matenee schaffen. Ech hoffen, datt d'Debatten zu deem Projet gradsou verlafen, an an deem Sënn soen ech lech Merci fir Är Opmierksamkeet.

Plusieurs voix. - Très bien.

M. le Président. - Ech soen dem Rapporteur Marcel Sauber Merci. Als éischte Riedner ass den Här Lucien Clement agedroen. Här Clement, Dir hutt d'Wuert.

Discussion générale

M. Lucien Clement (CSV). - Här President, Dir Dammen an Dir Hären, budgetär Dépassementer vu grousser Bauprojekte si leider heefeg, fir net ze soen ze heefeg, an ëmmer nees féiere se dozou, datt mer hei am Haus Rallongé musse stëmmen, fir déi zousätzlech an dacks schonns getähteg Ausgaben im Nachhinein ze autoriséieren.

Datt awer och ganz vill Bauprojeten, déi iwwerwältgend Majoritéit eigentlech, an hirem initiale Finanzkader ofgeschloss ginn, a wou et da jo och, par la force des choses, keng Dépassementer gëtt, ass natierlech, soen ech emol, manner spektakulär wéi déi dacks ganz héich Zousatzkreditte, deenen d'Parlament a regelméisseg Ofstänn fir gréisser Objete muss seng Zoustëmmung ginn.

Meeschtens sinn déi Adaptatiounen, déi mer hei stëmmen, reng finanzieller Natur, esou wéi haut och dee Projet, deen elo kënnt, d'Nordstrooss. Bei der Cité judiciaire hu mer et awer emol eng Kéier mat engem relativ ganz neie Projet ze dinn, och mat zum Deel neien Inhalter, déi zousätzlech im Nachhinein hu missen an en neie finanzielle Kader gepaakt ginn.

De 6. Abrëll 1999 ass deen éischte Projet Cité judiciaire gestëmmt ginn. Haut solle mer e komplett nei iwwerschafft Konzept unhuelen, wat mat engem Surplus vu bal 26 Milliounen Euro par rapport zum initiale Projet zu Buch schléit. De finanziellen Dépassement vun där

éischter Enveloppe ass deemno ronn ee Véirel vun deem urspréngleche Volumen.

Zwar gëtt et, wéi eigentlech ëmmer, duerchaus Erklärungen fir déi nei Entwécklung. Déi Erklärungen fanne sech erëm virun allem an den Avisë vun der UNESCO, dem internationale Rot vun de Siten a Monumenter, awer och an der Haltung, déi d'Stad Lëtzebuerg an dëser Affär ageholl huet oder par la force des choses huet missen unhuelen.

Mä Kolleeg, de Marcel Sauber, huet all déi Ursaache ganz am Detail opgeléicht, an ech soen him dofir och am Numm vun der CSV-Fraktioun Merci fir deen ausféierleche schrëftlechen an och mëndleche Rapport.

Mä wann et och Erklärungen fir déi Dépassementer a fir déi Émännerungen vum Konzept vum Projet gëtt, esou seet d'Evolutioun vum Dossier Cité judiciaire eis dach a virun allem, wéi mer et an Zukunft wierklech net méi solle maachen. D'Schold fir dës Evolutioun a fir den Émstand, datt mer haut alles musse ëmbauen, läit sécherlech net eleng beim Bauteminister a bei senger Verwaltung. Och mir hei an der Chamber mussen en Deel Schold bei eis selwer sichen. Mir musse siche bei deene Prozeduren, déi mer an der Chamber selwer fir den Émgang mat grousser Bauprojeten hunn oder besser gesot net hunn.

Zwar gouf d'Chamber iwwert d'Entwécklung vun deem Dossier - an de Marcel Sauber huet dat scho gesot - vun deenen zoustänneg Ministeren dauernd um Lafende gehalen, mä d'Comexbu ass awer der Meenung, datt et domat net méi duergeet. Well leider - an dat muss een esou gesinn - beschränkt sech déi parlamentaresch Begleitung vun Investissementer, déi op eemol hir Richtung änneren, bis haut dorop, datt d'Chamber après coup hir Zoustëmmung zu Ännerungen gëtt, déi entweder längst geschitt sinn oder amgaange sinn ze geschéien.

Et ass deemno wichteg, datt d'Chamber selwer sech esou organiséiert, datt se méi fréi an op eng méi konsequent a méi konkret Manéier an d'Planung vu grousser Projeten agebonne gëtt, an datt se dës Projeten en cours de route och kann am A behalen - wann et muss sinn, andeems se mat Zäit per Gesetz déi Adaptatiounen unhëlt, déi sech als néideg erweisen. Am Idealfall awer musse mer eis esou ueeën, datt et ganz einfach an Zukunft - an dat ass wichteg - net méi zu deenen enormen Ännerungen finanzieller an och konzeptueller Aart kënnt, wéi mer se bis haut kannt hunn.

Mir wäerten am Hierscht deementspreechend eng Resolutioun hei an der Chamber stëmmen, déi esou eng nei a méi effizient parlamentaresch Prozedur festleet. Dat maache mer elo net am Kader vun deem Gesetz, well ech mengen et soll een eng propper, objektiv Debatt iwwert déi nei Prozedur féieren, déi d'Chamber sech gëtt am Émgang mat deene grousser Bauprojeten. Trotzdeem wëll ech awer a grousser Linnen, well den Text jo scho virläit, dës Prozedur elo beliichten.

Mir hunn den Artikel 99 an eiser Verfassung, dee beseet, datt all gréisser Ausgab vum Stat parlamentaresch muss autoriséiert ginn. Deemno muss d'Chamber sech mat all eenzelne Bauprojet, dee méi wéi 7,5 Milliounen Euro no aktuellem Stand soll kaschten, aussernee setzen. An all Kéier wann déi ursprénglech Finanzzumm gesprengt gëtt, kënnt de Bauteminister zréck an d'Parlament, fir weider oder zousätzlech Dépassementer autoriséiert ze kréien.

Dem Bauteminister selwer, der Verwaltung, de Membër vun der Kontrollkommissioun an der ganzer Chamber sinn dës Exercicer dacks méi oder weiniger penibel gewiescht. Elo endlech, mir schwätze jo schonns méi laang driwwer, hu mer et fäerdeg bruecht an der Kontrollkommissioun - a mam Bauteminister Claude Wiseler zesummen - eis eng Prozedur ze ginn, mat där an Zukunft Dépassementer vu Baukreditte solle spierbar méi rar ginn. Mir wëllen do esou virgoen, datt um Prinzip vun parlamentareschen Accord zu groussen Ausgaben u sech näischt geännert gëtt. Wat awer ännert ass d'Aart a Weis wéi e Projet virbereet a wéi e Projet duerchgefouert gëtt.

All Joer soll an Zukunft de Bauteminister um Enn vum éischte Semester der Chamber eng Lëscht virleeë mat deene Projeten, déi e Käschtepunkt vu 7,5 Milliounen Euro iwwerschreiden an déi dat Joer drop iwwer Gesetz autoriséiert solle ginn. Déi opgefouert Projekte sinn all déi, déi de Stat an Eegeregie wëllt duerchféieren, dat heescht net déi zu deenen de Stat just e Subsid gi soll a wou de Bauhär dann och en aneren ass wéi de Stat selwer. Op dëser Lëscht soll de Präis vun deene verschiddenen Investissementer just summaresch berechent ginn. Bei der Analys an der Prüfung vun de Projekte vun dëser Lëscht geet et der Chamber ëm de Prinzip a virun allem awer och ëm d'Opportunitéit vun de geplangten Investitiounen, an nach net ëm hir definitiv finanziell Enveloppe.

D'Bautekommissioun examinéiert dës Lëscht an hält d'Avisë vun deene parlamentaresche Kommissiounen an, déi vun deenen eenzelne Projekte beträff sinn. Zum Beispill vun der Educationskommissioun wann et ëm Schoulen, Lycées geet; vun der Familljekommissioun wann et ëm Altersheimer geet; oder der Transportkommissioun wa Stroossen oder Schinnen ustinn.

D'Bautekommissioun bereet dann an engem eegenen Avis eng Debatt hei an der Chamber vir. Eng Debatt, déi an der Chamber am Laf vun der zweeter Woch am Oktober vun all Joer soll iwwert dem Stat seng Investissementsprojete gefouert ginn. D'Chamber stëmmt dann eng Motioun an där se déi Projeten opléicht, déi se wëllt zréckbehalen. Ech géif soen, am beschte géife mer souguer eng Motioun pro Projet, also fir all eenzelne Projet stëmmen, fir datt all eenzel Fraktioun sech dann och géint oder fir déi verschidde Projeten ausschwätze kann.

Et ass op Basis vun dëser oder dëser Motiounen, wou de Bauteminister dann déi detailléiert Virbereedung vun all Investiment bis hin zum Projet de loi d'autorisation virhuele kann. Déi Projeten, déi per Motioun de Feu vert kruten, ginn an engem Artikel zum Budgetgesetz opgeléicht, an et ass dann och opgrond vun deem Artikel, deen et dem Bauteminister erlaabt, Dépense fir déi méi detailléiert Planung ze engagéieren.

Uschléissend ginn dann - wéi bis elo och - der Chamber déi eenzel Gesetzprojete virgeluecht, déi all Investiment prezis eraassen, dokumentéieren an och ëmräissen. Wann d'Chamber esou Gesetzter gestëmmt huet, da muss se no dréiglech allerdéngs och mat all gréisserem Dépassement vun der Kredittrum oder Ännerung vun dem Konzept vum Bau befaasst ginn. En neie Gesetzprojet gëtt eréischt néideg, wann den Dépassement vun deem Projet 5% vun deene virgesinnene Kreditte iwwerschreit. Dépassementer, déi manner héich si wéi dës 5%, ginn am Kader vum Statskont régulariséiert, an zwar an deem Joer, wou de finalen Décompte vun deem Projet dann och virgeluecht gëtt.

Dës nei Prozedur soll et der Chamber erlaben, all Joer en Iwwerbléck iwwert déi geplangte gréisser Investissementer vum Stat ze kréien an de Bauteminister fir all Projet

eenzel ze autoriséieren, eng detailléiert Planung ze maachen an duerchzuféieren. Déi fundéiert Detailplanung léisst haut dacks zu deem Moment, wou d'Chamber e Gesetz zu deem Projet stëmmt, sécherlech nach ze wënschen iwwreg. Mat där neier Prozedur soll dat anescht ginn an domat hoffe mer och gréisser Dépassementer an Zukunft ze verhënneren, well d'Planung u sech méi prezis gëtt, wéi dat haut dacks de Fall ass oder wéi et haut iwwerhaupt méiglech ass.

Kënnt et dann awer zu Dépassementer vun enger bestëmmter Gréissenuerdnung, muss sech d'Kontrollkommissioun vun der Chamber mat deene wahrscheinleche Méikäschte beschäftegen. Déi, déi da méi wéi 5% vun der ursprénglecher Finanzzumm ausmaachen, musse selbstverständlech iwwer en neit Gesetz zousätzlech autoriséiert ginn. Wann ee beispillsweis e Projet vun 100 Milliounen Euro huet, heescht dat, wann d'Dépassementer méi héich si wéi 5 Milliounen Euro, muss en neit, en zousätzlech Gesetz duerfir gemaach ginn.

Ech sinn iwwerzeegt, datt mat dëser Prozedur an Zukunft éischters méi prezis wäert geplangt ginn, zweetens datt et dowéinst och manner finanziell Dépassementer gëtt an drëtzens datt doduerjer kee Bauprojet onnéideg an Zäitdrock kënnt. D'Chamber kritt ausserdeem d'Méiglechkeet, fir ganz am Ufank vun der Planung vun deem Projet dës u sech ze refuséieren, wa se deeselwechten net fir opportuun hält. Domat ginn onnéideg Planungsausgabe verhënnert an am Bauteministère gëtt sech am Detail just mat deene Projekte beschäftegt, déi da schonn eng prinzipiell parlamentaresch Zoustëmmung kritt hunn.

Wa mer manner dacks hei musse zesummekomme fir Rallongen ze stëmmen, ass dat e wichtige Schrëtt a virun allem och e richteg Schrëtt zu engem méi effizienten a méi zilorientéiere Plangen a Bauen zu Lëtzebuerg. An dat ass am Sënn vun deene groussen noutwendegen Investitiounen hei am Land, mä virun allem awer och am Sënn vun engem méi transparenten Émgang mat de staatleche Gelder.

Ech denke mol, datt nodeems d'Comexbu op Suggestioun vun hirem President dem Här Grethen nach e juristeschen Avis zu dëser geplangte Prozedur wäert ageholl hunn, mir - dat heescht u sech d'Chamber - am Hierscht dës Resolutioun stëmme kënnen mat där mer dës Prozedur dann och endgültig op d'Schinn brénge wäerten.

Zum Schluss wëll ech nach soen, datt d'Bautekommissioun kierzlech an op Initiativ vun der Madame Brasseur de Chantier vun der Cité judiciaire besichtegt huet. Dobäi konnte mer allegueres gesinn, datt d'Projete vun där Gréissenuerdnung mat Sécherheet net einfach ze plangen a scho guer net einfach ze realiséieren sinn. Ech mengen net, datt déi Leit, déi dru schaffen, net hiert Besch ginn; an ech wëll se och vu menger Säit aus duerfir ausdrécklech félicitéieren. Mat där neier Prozedur, denken ech, wäerte si an Zukunft awer méi genee plange kënnen an de finanzielle Volet vun de Projeten och besser aschätze kënnen. Wann en cours de route Konzeptännerungen, wéi bei der Cité judiciaire, ufalen, da kann deenen hir finanziell Implikatiounen nun eemol awer schlecht am Virus ageschat ginn.

Duerfir, Här President, géif ech soen, brauche mer déi nei Prozedur, fir datt mer méi Planungs-sécherheet a méi Transparenz kréien. Dat gesot, soen ech lech Merci fir d'Nolauschteren a ginn zum Schluss nach den Accord vun der CSV-Fraktioun.

Plusieurs voix. - Très bien.

M. le Président. - Ech soen dem Här Clement Merci an als

nächst Riednerin ass d'Madame Brasseur agedroen. Madame Brasseur, Dir hutt d'Wuert.

Mme Anne Brasseur (DP).- Här President, Dir Dammen an Dir Hären, mir sinn als Chamber alt nees - kann ee soen - befaasst mat engem Dépassement vu Kreditter bei engem Bauprojet.

E Bauteminister, deen huet verschidden Avantagen, an dee groussen Advantage ass deen, dass en normalerweis Bännercher kann duerchschneden a Gebailechkeeten oder Ouvrages aweien, déi seng Virgänger op de Chantier ginn hunn. Dat ass déi freedeg Säit. Déi manner freedeg Säit, dat ass awer déi, mat där mer ganz oft konfrontéiert sinn, an dat ass wann et zu Dépassementer kënnt vun de Kreditter. An dat ass an der Lescht ganz oft virkomm, sou dass den Här Wiseler elo hei muss geruet stoe fir Dépassementer, déi vu senger Virgänger, dem Här Goebbels an der Madame Hennicot, op d'Schinn gesat gi sinn. An den Här Clement, deen ass elo grad en détail op d'Prozedur agaangen, sou dass ech dat hei net wäert nach eng kéier widderhuelen.

Eng Fro, déi ee sech allerdéngs muss stellen, ass: Wat géing geschéien, wann d'Chamber esou e Projet net géing stëmmen? Mir kënnen elo soen, mir änneren d'Prozedur, da kënnt dat net méi vir. Mä wat géing geschéien, wa mer haut géinge soen, mir stëmmen Nee zu deem Projet um Helleg-Geescht-Plateau? Da misst de Projet deelweis gestoppt ginn, et géinge verschidde Saachen - sou wéi d'Suen nach do wieren - fäerdeg gestallt ginn, mä dann hätte mer keng Cité judiciaire. An et ass natierlech grad esou, dass d'Chamber iwwerhaapt kee Choix huet. Wa mer wëllen, dass eise Stat an eis Institutiounen funktionnéieren, da muss mer am Fong mat deenen Dépassementer d'accord sinn. An duerfir sinn ech frou, dass mer awer an d'Richtung ginn, dass mer eng nei Prozedur hei kréien.

Mir hu jo eréischt viru kuerzem e Supplément gestëmmt vun 30 Milliounen Euro, fir de Concertsall fäerdeg ze stellen. Hei stëmme mer elo e Supplément vu 26 Milliounen Euro, sou dass mer op ee Gesamtkäschtepunkt vun der Cité judiciaire komme vu ronn 125 Milliounen Euro. Dat si fënnef Milliarden Lëtzebuerger Frang. Mir hunn en Dépassement hei gehat vun enger Milliard Lëtzebuerger Frang. Wann een an Euro schwätzt, da gesäit dat net esou gewaltig aus, mä mir müssen eis awer bewosst sinn, wéi gewaltig et ass.

Deen Dépassement, dee mer haut hei hunn, huet Ursaachen, wéi och aner Dépassementer, an déi sinn och all an den Dokumenter gutt beluecht. Hei sinn d'Ursaache vum Dépassement haaptsächlech op Oploen zrëckzeféieren, déi souwuel d'Stad Lëtzebuerg wéi d'UNESCO wéi och ICOMOS gemaach hunn. An ech wäert duerno dorop zrëckkommen.

Ech wäert net op d'Virgeschicht vun deem Bau agoen. Mä et ass schonn awer bezeichnend, dass Lëtzebuerg bis elo nach ni eegen Infrastrukture fir d'Gerichter hat. Et ass op bestehend Gebailechkeeten ëmmer zrëckgegraff ginn. A wann de Palais Berlaymont, dat heescht do wou den Tribunal elo dran ass, och e representatiivt schéint Gebai ass, sou kann een dat awer wierklech vun deenen anere Gebailechkeeten net soen. Wann ech d'Gebai huelen an der Casinosgaass, wou d'Cour supérieure dran ass, an der Parquet général, dat ass einfach indigne fir d'Justice, an dofir ass et ëmsou méi néideg an Zäit, dass mer eegen Infrastrukture fir ons Richter kréien.

Dass d'Iddi vun engem neie Palais de Justice net nei ass, dat huet de Rapporteur, deem ech wëll félicitéieren fir säi schrëftlechen a mëndleche Rapport, och gesot. Hien ass op d'20er Joren zrëckgaang. Eng

Ettapp sinn och nach d'50er Joren, wéi de Victor Bodson deemools Projeten hat fir en neit Gebai opze-riichten; an do wor d'Iddi vum Site d'Stäreplaz. 50 Joer drop hu mer erëm iwwert deeselwechte Site diskutéiert.

De Choix vum Site ass ëmmer eng Controverse an ech sinn nach ëmmer der Meenung, dass de Choix vun deem Site, dee mer gewielt hunn, an ech kommen duerno nach mat Detailer drop zrëck, net gutt ass. Ech hätt léiwer gehat wa mer um Plateau du St-Esprit de Musée d'Arts modernes operéiert hätten, dann hätte mer deen no beim Stater Musée gehat - beim Musée vum Stat um Fëschmaart a beim naturhistoresche Musée -, dann hätte mer e Chapelet vu Muséeën no beienee gehat an dat hätt dee Site bestëmmt net esou be- laascht wéi am Moment.

Mä d'Décisioun fir de Site, um Plateau du St-Esprit do eng Cité judiciaire ze bauen, ass nun eemol geholl gi vun der vir-viregter Regierung.

Mir sinn also frou, dass d'Justice elo endlech awer nei, oder iwwerhaapt appropriéiert Raimlechkeete kritt. Allerdéngs, wann ech kucke wat elo amgaangen ass do ze entsto, da muss ech soen, dass ech alles anescht wéi frou sinn. Iwwert de Goût léisst sech streiden, dat ass och '99 an den Debatten hei gesot ginn. A mengen Aen ass dat, wat awer am Moment amgaang ass do ze entsto, alles anescht wéi schéin. Ech fannen dat gräisslech wat am Moment um Plateau du St-Esprit gebaut gëtt.

Do ginn Arcadë gebaut. Ech héieren hei en Echo vun engem Kolleeg dee seet et wier fuerchtbar, dat ass een Term deen een och ka gebrauchen, also sinn ech mol schonn net eleng iwwert d'Appréciatioun.

(Interruption)

Den Här Bettel seet „moche“. Et kann een also eng ganz Partie vun Terme gebrauchen.

(Interruptions)

Wat mech stéiert, dat ass, dass dee ganze Projet op engem Site ganz gedronge beieneen ass. Déi Arcaden, déi sinn disproportionéiert, déi erdrécken alles. A wann ech eent vun deene wéinege Gebailechkeete kucken, wat jo erhale bliwwen ass, nämlech d'Vaubanskasär, wat ervirstécht duerch seng Schlichtheet an Einfachheet, dat ass e schéint Gebai wat équilibréiert ass; dat gëtt einfach duerch deen hei Projet erdréckt.

Ech muss lech soen, dass een net kann houfrech sinn, dass een esou eppes matzeverantworten huet. Nach stinn ech zu menger Responsabilitéit, mä ech wollt awer hei soen, wéi meng perséinlech Appréciatioun iwwert d'Ästhetik ass. Ech fannen nämlech, dass déi Cité judiciaire am Fong en onzoumutterbaren Agrëff an d'Silhouette vun der Stad ass. A wann een d'Auteure vum Projet deemools gewäerd gelooss hätt, da wier deen Agrëff nach vill méi schlëmm ginn.

Deemools si schonn Awänn och hei an der Chamber komm, an am Virgespréich och bei der Stad Lëtzebuerg, mä hei an der Chamber huet deemools d'Madame Polfer gesot, dee Projet misst onbedéngt iwwerschafft ginn, well e wier ze vill dense. Dat wor de 17. März 1999. An déi Tour des vents, déi dierft op kee Fall gebaut ginn. D'Tour des vents wor en Tuerm, dee virgesi wor vu 37 Meter héich; dee wier op déi Plaz komm, wou elo d'Entrée ass fir an de Lift fir an de Gronn ze fueren. Déi Tour des vents hat iwwerhaapt keng Fonctionnalitéit, mä dat sollt e Punkt ginn, deen d'Cité judiciaire vu wäitem géing weisen.

De Spriecher vun der LSAP deemools, den honorablen Här Mett Greisch, huet gemengt, an ech zitieren: „et wier e monumentaalt Wierk, wat géing entsto, an de Wandtuerm, dee kéint zu engem Wahrzeeche vun der Stad Lëtzebuerg ginn“.

Gott sei Dank ass dat net agetrueden a Gott sei Dank ass dat net gebaut ginn. A Gott sei Dank huet d'Madame Polfer deemools schonn hir Awänn als Buergermeeschter vun der Stad Lëtzebuerg ugemellt, mä och hei op der Tribün als Deputéierten.

Den Här Goebbels huet awer gemengt dee Choix wier gutt, hie géing och zu deem Choix stoen, och vun den Architekten, an en huet gesot, an ech zitieren den Här Goebbels: „Eng Justice, déi offen ass, wou d'Bierger dotéiert kënnen zirkuléieren, wou d'Touriste kënnen dertëschtent spadséiere goen an dee wonnerschéine Site, deen de Plateau du St-Esprit duerstellt, kënn besichtege goen, an doduerch dagsiwwer fir Animatioun suergen.“

Ech muss lech soen, dass ech dat, wéi ech dat elo nogelies hunn, e schreckleche Saz fannen, an ech probéiere mer dat elo virstellen, wéi d'Touristen elo do spadséiere ginn, wann et fäerdeg gestallt ass. Et ass jo awer bestëmmt net, dass eng Cité judiciaire esou soll sinn, dass dat e Point d'attraction fir d'Touriste sollt duerstellen. Au contraire fannen ech, dass et wierklech der Silhouette vun der Stad Lëtzebuerg näischt Positives bréngt. Au contraire!

Eng ähnlech Architektur, Här President, Dir Dammen an Dir Hären, sollte mer och hei virun d'Dier kréien. Den Här Goebbels hat deemools als Bauteminister och verschidde Projete vum selwechten Architekt ufäerdege gelooss fir d'Chamber ze transforméieren; dat woren déi Haiser Richard a Printz. Dat sollt eppes ganz anescht ginn. Et sollt empiétéieren och op dee ganz schéinen Haff, deen d'Stad Lëtzebuerg elo a säi Musée incorporéiert huet; dee sollt mat verbaut ginn. Hei sollten och esou Arcaden entsto an déi Gebaier sollte matenee verbonne ginn duerch eng Bréck - mir kréien och elo eng Passerelle, Här President -; mä eng Bréck, dat huet ausgesi wéi de Pont des soupirs. Op enger anerer Plaz ass dat vläicht schéin, mä hei zu Lëtzebuerg wier et net schéi gewiescht.

An ech si wierklech frou, dass deemools op d'Hartnäckegkeet vu verschidde Leit zrëckzeféieren ass, dass dat net realiséiert ginn ass, an ee vun deene Leit, dee sech vehement dogéint gewiert huet, wor d'Madame Polfer deemools als Buergermeeschter vun der Stad Lëtzebuerg, an duhn hu mer en anere Projet finalement développéiert.

Dése Projet werft nieft der Fro vun der Ästhetik, an ech mengen dozou hunn ech meng Meenung gesot, och d'Fro vum Fonctionnement vun der Justice op a vun der Plaz, déi elo zur Verfügung steet.

Am éischte Projet ass gesot ginn, et géing duer mat der Plaz. De Procureur général huet dat och an der Kommissiounssitzung deemools gesot, de President vum Tribunal huet dat an engem Interview widerholl an den Här Goebbels, wéi och den Här Rapporteur, dat wor den Här Jean Schiltz deemools, deen huet hei op der Tribün gesot, et wier eng Reserv vun 20 bis 25% dran. Wann ech awer elo kucken, de Projet ass remaniéiert ginn; d'Surface exploitable ass awer an d'Luucht gaang an nach ass net Plaz genuch, well de Service central d'Assistance sociale fënn hei keen Ennerdaach.

An ech muss lech soen, dass ech dat schued fannen, well dat ass e Service dee Partie intégrante ass vun deem ganze System. Et ass enorm wichteg, dass déi awer do lokaliséiert sinn. Dee Service central d'Assistance sociale huet ugefaang an der Casinosgaass; op Franséisch ass dat d'Côte d'Eich. Wéi dee Service nach wierklech

am Ufank wor, en huet sech duerno développéiert, et sinn ëmmer aner Raimlechkeete gesicht ginn. Elo sollt en endlech bei d'Justice kommen an elo muss en do erëm wäichen; well bis deen eng kéier an den Archives nationales ennerdaach kënnt, dat wäert nach ganz laang daueren, ier d'Archives nationales transféréiert ginn.

Wéi et mat der Plaz soss ass, froen ech mech och, well mer wësse jo dass zousätzlech Jugen agestellt gi sinn - wat wichteg ass - an dass et e Plan de recrutement gëtt fir zousätzlecht Personal nach anzustellen. Mir brauchen onbedéngt do méi Plaz. Dofir bedauern ech et, dass zum Beispill net op d'Iddi zrëckgegraff ginn ass, op der Rocade de Bonnevoie deemools dat ze développéieren. Mä deen Zuch, deen ass elo fort.

Wat den Timing ubelaangt, Här President, ass et och interessant nozeliesen, wat de 17. März 1999 hei gesot ginn ass. Den Här Goebbels sot Folgendes: „Ech hoffen, dass mer et fäerdeg bréngen, dee Projet de loi an dräi, spéitstens dräi an en halleft Joer ze exécutéieren, esou dass d'Lëtzebuerger Justice enner beschtméigleche Konditiounen ab dem Joer 2003 fonctionnéiere kann.“ Den Här Goebbels hat also gemengt, vun 2003 u kënnt d'Justice op deem neie Site funktionnéieren.

Elo kann ee soen, et si Retarde komm weinst den Oploen. Mä da soen ech, Gott sei Dank sinn déi Oploe komm vun der Stad Lëtzebuerg, Gott sei Dank sinn déi Oploe komm vun der UNESCO a Gott sei Dank sinn déi Oploe komm vun ICOMOS. Wann déi Oploen net komm wieren, da wier de Projet nach vill méi important ginn, da wier dee Site nach vill méi be- laascht am richtige Sënn vum Wuert, de Volume wier ze grouss gewiescht, an dat wier wierklech au détriment vun der Stad Lëtzebuerg gewiescht. Mir hätten och riskéiert, Här President, oder mir wiere bal sécher gewiescht, den Titel vu Patrimoine mondial architectural ze verléieren, wat jo awer fir d'Stad Lëtzebuerg en onheemleche Verloscht gewiescht wier.

Nach e puer Remarques zum Schluss. Et gëtt hei geschwat vun deene Méikäschten, déi entstane sinn duerch d'Erhale vun där Crypte archéologique. Dass do Iwwerreschter vum Klouschter sinn aus dem 13. Jorhonnert, ass net verwonnerlech, well et wosst een, dass et do géng e Klouschter ginn, wat ënnert der Ermesinde gebaut ginn ass - d'Abbaye du St-Esprit ass do gebaut ginn - an dass do Iwwerreschter waren. Dat konnt ee sech virstellen; wéi dat iwwerall iwweralls an der Festung vun der Stad Lëtzebuerg ass.

(M. Lucien Weiler reprend la Présidence)

Well an der Stad Lëtzebuerg ass, wéi an all anere Festungstied och, wann eppes ofgerappt ginn ass, eppes anescht an d'Plaz gesat ginn, an hei ass et jo fir militäresch Zwecker duerno benotzt ginn. Dann ass dat op dat anert dropge- sat ginn, well se keng aner Méigle- chkeeten haten. Esou dass et net verwonnerlech ass, dass, egal wou ee baut, een op Iwwerreschter stéisst, déi awer musse préservéiert ginn. Dofir sinn ech frou, dass dat och hei geschitt.

Eng zweet Remarque, déi ech wollt maachen, dat ass déi vum Parking. Et war mir net bewosst, dass elo schonn en Deel vum Parking ge- braucht ginn ass fir d'Archiven, an dat ass jo och fir d'Archiven esou ëmfunktionéiert ginn. Dat war mir net bewosst, an et ass am Fong schued, dass Raimlechkeeten, déi fir Autoe virgesi sinn, déi mer awer brauchen, fir d'Attraktivitéit vum Stadzentrum a vum Geschäftszentrum ze gewährleeschten, ge- braucht gi fir eppes net Lieweges, dat heescht wierklech Pabeier ze stockéieren. En ass zwar gutt do ennerbruecht, mir waren dat och kucken, mä ech mengen net, dass dat déi beschten Iddi war.

Da wollt ech dem Minister eng Fro stellen, wéi et mat de Statsarchiven ass, wéi et mam Timing ass, wéi e sech virstellt, wéini déi nei Gebailechkeeten da kéinte gebaut ginn, a wéini dann des Gebailechkeete fräi ginn, fir dass déi kënnen der Justice zur Verfügung gestallt ginn.

Ech wollt och eng Fro stellen, ech mengen awer net, dass de Minister dorop kann eng Äntwert ginn, mä mir müssen ons awer all Gedanken doriwwer maachen: Wat geschitt mam Palais Berlaymont? Do wou elo d'Gericht am Moment dran ass, dee jëtzege Palais de Justice, e representatiivt Gebai. Ech weess, dass dat zum Fonds de la Vieille Ville gehéiert. Nach muss ee wësen, wellech Affektioun een deem representative Gebai gëtt.

An da wëll ech nach e Wuert soen zum Délai, Här President. Wéini re- chent den Här Minister domat, wa mer elo haut dee Kredit stëmmen, dass d'Aarbechte viruginn a wéini ass mat engem Ofschloss vun deem Bau ze rechnen? Ech wëll net, dass hien esou eng optimis- tesch Ausso mécht wéi säi Vir- virgänger, well soss wier dat Gebai jo schonn zwee Joer laang a Fon- tioun, mä et muss een awer kënnen raisonnablement, elo wou de Chantier awer esou wäit gediehen ass, soen, wéini een do endlech kann der Justice eng definitiv Hee- mecht ginn.

Här President, Dir Dammen an Dir Hären, et ass ons dru geleeën, dass mer eng Justice kréien, déi funktionnéiert, op engem Site, deen digne ass, och wa mer deen hei net schéi fannen, mä dass mer elo endlech virukommen, an dofir, trotz all deenen Onzoulängech- keeten, besonnesch um ästhe- tesche Plang, wäerte mer awer als DP-Fraktioun dese Projet stëmmen; well wann een den Accord net do- zou gëtt, dann entzéie mer ons on- ser Responsabilitéit.

Als Oppositionspartei muss een och wëssen, dass een och déi désagréabel Projete muss mat- droen - dese gehéiert mat Sécher- heet dozou - an dass mer dat och wäerte maachen. Well nach eng kéier, wa mer dat net géinge stëm- men a wann eng Majoritéit heiban- nen dat net géing stëmmen, da wier de Schued, dee mer den Insti- tutiounen, dem Lëtzebuerger Land géingen zoufügen, an der Justice zoufügen, vill méi grouss. Aus där Ursaach ginn ech den Accord vun der DP-Fraktioun zu dem Projet.

Ech soen lech Merci.

Plusieurs voix. - Très bien.

M. le Président. - Merci, Ma- dame Brasseur. Den nächste Ried- ner ass den honorablen Här Scheuer. Här Scheuer.

M. Jos Scheuer (LSAP). - Merci, Här President. Ech wollt just am Virspann drun erënneren, datt d'DP och deen éischte Projet ge- stëmmt hat...

Mme Anne Brasseur (DP). - Jo!

M. Jos Scheuer (LSAP). - ...an datt et also an der Logik ass, datt se och deen zweete Projet stëmmt.

Fir d'éischt wëll ech der Madame Brasseur eppes soen: Si huet en- ger ganz negativer Meenung iwwert den Architekt an iwwert d'Ar- chitektur vum Rob Krier hei Aus- drock ginn. Däerf ech just drun erënneren, datt de Rob Krier als ee vun deene bedeitendsten Architek- ten an anere Länner ugesi gëtt, datt en Universitätsprofessor ass, datt e Büroen huet an Däitschland, datt e Büroen huet a Frankräich, datt e mat sengem Brudder eng Coryphée vun der moderner Archi- tektur ass. Firwat kann een der- mat...

Mme Anne Brasseur (DP). - Neen, neen, guer net! Dat ass keng modern Architektur!

(Interruptions diverses)

M. Jos Scheuer (LSAP). - Et kann een dozou stoe wéi ee wëllt,

dat gestinn ech lech zou. Derhan-
nert stécht eng Philosophie, an dee
Mann ass op d'mannst capabel, fir
déi Philosophie ze artikuléieren.
Domadder ass een d'accord...

(Brouhaha général et coups de cloche de la Présidence)

Aner Architekten hu keng Philoso-
phie!

■ **M. le Président.**- Stéppelt
elo net déi ganzen Zäit wou den
Här Scheuer schwätzt!

■ **M. Jos Scheuer (LSAP).**-
Ech wëll lech just drun erënneren,
ech hat déi redoutabel Eier fir de
Rapport ze maachen iwwert de
Pei-Musée. Do hate mer genau
déiselwecht Diskussioun iwwer
eng Architektur, déi awer iwwer-
haupt näischt ze dinne huet, guer
näischt ze dinne huet mat där Archi-
tektur, déi vun deenen zwee Archi-
tekte Krier realiséiert gëtt. Des
goûts et des couleurs, an dësem
Fall,...

(Interruption)

...an dobäi wëll ech et beloossen,
fir d'Eier vun den Häre Krier, déi
Lëtzebuerg vertrieben am Ausland,
op hir Aart a Weis a mat grousssem
Succès, och an der Chamber hei
zurechtzerécken.

(Interruptions diverses)

Här President, Dir Dammen an Dir
Hären, dat hei gëtt en deieren
Nomëtteg, e ganz deieren Nomët-
teg. 125 Milliounen Euro fir d'Cité
judiciaire, e Surplus vu 26 Millioun-
en Euro, an da komme mer duer-
no bei d'Nordstrooss mat engem
Total vun 229 Milliounen Euro, déi
mer also stëmmen. Ech wëll just e
puer Wuert zur Cité judiciaire soen
a just zur Virgeschicht vun der Cité
judiciaire, well se awer och fir déi
nächst Diskussioun, déi mer féie-
ren, fir esou Dérapagen ze verhën-
neren, menger Meenung no ganz
wichtig sinn.

Fir d'éischt e Kompliment un de
Rapporteur, deen op eng sach-
lech, nüchtern Aart a Weis alles op-
geschafft huet, wat nom Gesetz
vun 1999 entstanden ass, an all
Émännerungen opgewisen huet,
déi zu deem Surcouët gefouert
hunn. Ech soen och Merci, félici-
téieren och dem Minister mat sen-
ge Servicier, déi dat dote Spill
duerchgemaach hunn. Ech men-
gen dat hei ass en Dossier wou elo
hoffentlech - ech mengen awer, et
wär esou - näischt méi opsteet.

Et ass ouni Zweifel e Fait, datt en
däregen Dossier opgeschafft ginn
ass, en Dossier wou ee sech am
Fong nëmme mat Faits accompis
ze befaassen hat. Déi technesch
Aspekter, déi engendréieren dann
en immense finanziellen Impakt, an
de Statsrot huet sech deemont-
spriechend och ganz kritesch
geäussert.

D'Aarbechten an der Kommis-
sioun, déi ware ganz konstruktiv an
ech mengen, wéi den Här Clement
gesot huet - ech hu mer dat séier
opgeschriwwen -: „d'Schold läit sé-
cher net eleng bei deem heite Bau-
teminister“. Deen heitege Bautemi-
nister huet a senger Funktioun als
Bauteminister absolut keng Schold
ze droen un deem, wat deemools
entstanden ass, mä et misst ee mol
kucken, wéi d'Stad Lëtzebuerg
deemools zu deem Projet gestanen
huet.

Fait ass, datt, wéi mer d'Gesetz
vum 6. Abrëll 1999 hei gestëmmt
hunn, mer ee Projet ofgeseent
hunn, deen net fäerdeg war. Deen -
an ech menge bal fatal schonn zu
deem doten Zäitpunkt - vill Froen
opgeleest huet a Froen, déi een
deemools virum Ofstëmme vun
deem Projet scho bestëmmt zu en-
gem gewëssenen Deel hätt kënne
beäntweren, an dee Projet hei ka
schonn exemplaresche Charakter
kréien; en huet es schonn.

Ech hunn och déi Interventiounen
nogelies vun de Kolleegen am Joer
1999. D'Diskussiounen hu sech
deemools haaptsächlech gedréit
ëm den Emplacement vun de
Gerichtsgebäier, den Hellege-
Geescht ass duergestallt gi vun
enger Säit als ideale Site mat en-

gem Terrain vun engem Hektar 79
Ar, an ech hat awer d'Impressioun,
datt an den Diskussiounen an an
der Approche, déi verschidde Leit
zu deem Projet haten, nach ëmmer
d'Alternativen eng grouss Roll ge-
spillt hunn.

Zum Beispill huet den CSV-Spie-
cher, den Här Mosar, och vun ane-
ren Alternative geschwat, mä virun
allem den Här Rippinger huet déi
Alternativen opgezielt, déi fir
d'Stad Lëtzebuerg an deem dote
Fall déi besser gewiescht wäeren an
d'Madame Brasseur huet se och
genannt, et war fir d'éischt de
Kierchbiereg a si huet wuertwiert-
lech gesot: „Dat wär eng gutt Léi-
sung gewiescht.“

Den Här Rippinger huet och vun
der Stäreplaz geschwat, hien ass
kaum agaangen op déi histoiresch
Komponent vun deem Projet, mä
dat huet den Här Mosar gemaach.
Den Här Mosar huet ganz daitlech
opgezielt, wéi wichtig déi do Plaz
fir d'Geschicht vun der Stad Lëtze-
buerg wär. Hien huet vum Klousch-
ter geschwat an ech stelle mer
ganz eeschtlech d'Fro bei deem
Site do - wou am Fong d'Wéi vun
der Stad Lëtzebuerg oder e gud-
den Deel dovun war -, ob een do net
hätt kënne Sondagë maachen an
deemools scho festleeën, fir dat
Klouschter ze erhalen. An d'Ma-
dame Polfer war guer net esou ne-
gativ vis-à-vis vun deem dote Pro-
jet agestallt. Si huet - ech zitéieren
- gesot, si huet ugekënnegt: „datt
gegebenefalls Adaptatiounen virge-
holl géifen“. Dat ass wuertwiertlech
esou; also et war keng katastrophal
Vernichtung vun deem Projet
duerch d'Madame Polfer.

Nom Vote vum Gesetz ass dann
dunn de Projet nodréiglech an
d'Mille komm - a verschidde Millen
-, éischstens vun der Stad Lëtze-
buerg, déi mat der Envergure vun
deem Ganzen net d'accord war.
D'Stad Lëtzebuerg ass - soulaang
ech an där Travaux-publics-Komis-
missioun sinn, ëmmer en onbeque-
me Verhandlungspartner souwuel
fir de Stat wéi och fir d'Chamber.
Ech erënneren un déi Etüden, déi
operluecht gi sinn, wéi mer d'Mai-
son Printz als Siège vun der Cham-
ber bestëmmt hunn, wéi mer
d'Étude fine gemaach hunn. An
och hei mussen im Nachhinein
d'Konsequenze gedroe ginn, déi
ee vläicht am Virfeld hätt kënne
aus der Welt schafen. D'ICOMOS
ass opgetrueden, d'UNESCO ass
komm. Wien hat se geruff, wien hat
se esou spéit geruff?

■ **M. Jacques-Yves Henckes**
(*ADR*).- De Bauteminister.

■ **M. Jos Scheuer (LSAP).**- De
Site war bekannt, jidderee wosst,
wat do wär a jidderee wosst, wat
de Patrimoine mondial wäert ass fir
Lëtzebuerg, fir d'Stad Lëtzebuerg
a fir d'Lëtzbuerger Land iwwer-
haupt. D'UNESCO ass ganz ein-
fach vill ze spéit ageschalt ginn.
Déi Kettereaktioun gëtt dann och
vum Statsrot opgewisen a wann
een de Projet 2005 kuckt, huet en
am Ganzen nëmme 650 m² méi par
rapport zu deem Projet vun 1999; e
kascht 25 Milliounen Euro méi.

Wouduerch? Éischstens - de Rap-
porteur huet et gesot -, datt de Pro-
jet net huet dierfen iwwert d'Zone
protégée oder op d'Zone protégée
erausgräifen. Et huet alles misse
kondenséiert ginn, nei iwwerschaft
gi mat neien techneschen Implika-
tiounen. An drëttens dann, d'Ves-
tigé vum Klouschter sinn integréiert
ginn an de Projet.

Ech wëll prinzipiell dat hei festha-
len: Et ass jo esou, datt den Denk-
malschutz zu Lëtzebuerg eng im-
mens Roll gespillt huet an eng im-
mens Roll spille muss, mä wann
een esou Projeten huet wéi deen
heien - an et ginn der och op den
Dierfer an et ginn der och op anere
Plaze vum Land -, da muss ee
sech d'Fro stellen, ob net am Vir-
feld verschidde Froe gekläert mus-
se ginn, an ob de Musée, respektiv
Sites et Monuments am Virfeld
musse kontaktéiert ginn. A wann
dat iwwert d'Kompetenze vu Lëtze-
buerger Instanzen erausgeet, datt

een um Niveau mondial, um Ni-
veau UNESCO muss operéieren.
An dann ass et ëmsou méi wich-
teg, datt d'Prozeduren ageleet
ginn, well da kënnt een esou Déra-
pagen, wéi dat hei, an d'Fro nom
Oflaf, d'Fro nom Verloscht vun der
Zäit vermeiden.

Ech mengen et kann een dem Ro-
bert Goebbels alles ënnerstellen,
mä awer net e gesonde Realismus.

(Interruptions)

An dësem Fall war et scho realis-
tesch fir eng Bauzäit virzugesinn.
Allerdéngs konnt hien net virausge-
sinn, datt déi nei Erkenntnisser an
déi nei Décisiounen eben zu deem
Zäitverloscht hu missen noutge-
dronge féieren.

(Interruption)

Et ass Zäit verluer gaangen, et
kascht ganz vill Geld an et bleift
zum Schluss dann de Wonsch, datt
si awer och am Joer 2007 fäerdeg
gëtt - déi grouss Cité judiciaire - an
datt se grouss genuch ass fir alles
opzehuele wat am Kader vun der
Lëtzebuerger Justiz muss fonction-
néieren an optimal muss fonction-
néieren.

An zum Schluss dann d'Fro, déi an
der Kommissioun gestallt ginn ass,
eng wichtig Fro fir d'Stad Lëtze-
buerg, eng wichtig Fro awer och
fir de Lëtzebuerger Stat: Wat ge-
schitt mat deem ale Justizpalais,
dee jo net nëmmen histoiresch
wäertvoll ass, mä garantéiert awer
och architektonesch wäertvoll ass?

Firwat ass en architektonesch
wäertvoll? Well en e puer Jorhon-
nert oder 150 Joer virun der Cité ju-
diciaire gebaut ginn ass.

Ech soen lech Merci.

■ **Plusieurs voix.**- Très bien.

■ **M. le Président.**- Merci, Här
Scheuer. Eier ech der Madame Lo-
schetter d'Wuert ginn, wollt ech
rappeléieren, datt d'Gesetz vum 6.
Abrëll 1999 iwwert d'Cité judiciaire
gestëmmt ass an datt et a Kraaft
ass, an datt mer haut e Projet stëm-
me wou et drëm geet den Artikel 2
vun deem Gesetz ofzeänneren. Dat
gesot, géif ech der Madame Lo-
schetter d'Wuert ginn.

■ **M. Robert Mehlen (ADR).**-
Wat wollt Der domat soen, Här Pre-
sident?

(Interruption)

■ **M. le Président.**- Iwwerleet
mol eng Kéier ganz schaarf, Här
Mehlen!

Sou, d'Madame Loschetter huet
d'Wuert.

■ **Mme Viviane Loschetter**
(*DÉI GRÉNG*).- Merci, Här Pre-
sident, duerf wëll ech mech och op
dat beschränken...

■ **M. le Président.**- Dat ass
ganz luewenswäert.

■ **Mme Viviane Loschetter**
(*DÉI GRÉNG*).- Voilà.

Här President, Dir Dammen an Dir
Hären, et ass lech bestëmmt och
schonns eng Kéier geschitt, datt
Dir an d'Vakanz gefuer sidd, well
Dir eppes gebucht hat, an da
kommt Dir do un an Dir kritt net dat,
wat eigentlech gebucht war. Stellt
lech eng Famill vir mat véier Kan-
ner, déi an den Hotel kënnt, dräi
duebel Zëmmer gebucht hat, der
awer nëmmen zwee kritt, an dann
nach muss e ganzen Dag waar-
den, bis se dann endlech kann an
hir zwee fräi Zëmmere goen. Ge-
nau dat geschitt - an enger anerer
Versioun - op der Cité judiciaire um
Helleg-Geescht.

De ganze Projet huet missen e
bëssen eriwuer gedréckt gi fir aus
der Zone tampon erauszekommen.
De SCAS kritt eréischt e Gebai an
den Archiven, wann d'Archiven op
Esch/Belval kommen, dofir ginn
d'Archiven an de Parking, an de
Parking gëtt e Stack méi déif ver-
gréissert zu gudder Lescht, well zu

gudder Lescht d'Vestigen aus en-
gem Klouschter aus dem 13. Jor-
honnert och nach do entdeckt ginn
sinn, wou eigentlech virdun de Par-
king sollt kommen.

Voilà, dat alles e bësselchen
iwwerspëtzt - ech ginn et gären
zou -, mä esou ongeféier ass dee
gestëmte Projet readaptéiert ginn
an eben och seng Adaptatioun
oder säi Budget - et ass eigentlech
effektiv keng richtig Adaptatioun.
An esou ongeféier gesäit och d'Si-
tuatioun um Chantier de Moment
aus, wou een nëmme kann hoffen,
datt d'Aarbechte gutt a séier viru-
ginn, ouni dass engem eppes ge-
schitt, well dee Chantier ass extrem
enk, well alles extrem enk do ass
an d'Aarbechten an d'Maschine si
quasi een op deem aneren.

Just eng ganz kuerz Bemierkung:
Mir waren als Gréng och ëmmer
der Meenung, datt den drëtte Pou-
voir endlech misst adequat Aar-
bechtskonditiounen kréien an dass
déi aktuell Situatioun onerträglech
wier. Mä mir waren ni ganz waarm
fir dee Site um Hellege-Geescht,
net nëmme wéinst de Schwierig-
keete betreffend dem Patrimoine
mondial. Mir fannen och nach haut,
datt et eng schlecht Planung ass,
fir eng vun deene leschte grouss
Plaze vun der Stad zouzemaachen.

Et ass schued dass et déi Plaz ass,
déi elo mat Büroo gefëllt gëtt, déi
um sechs Auer eidel sinn. A virun
allem ass et eng Plaz, an dat ass
eppes wat eigentlech och deen
heite Projet de loi eppes ugeet, déi
net ausbaubar ass. Nom Avis vun
der UNESCO recommandéiert ee
vun hiren Experten - an ech zitéiere
just dat hei, Här President, wann
Der erlaabt -, den Här Jantzen: «la
solution la plus compatible avec
l'inscription sur la liste du patri-
moine mondial serait la recherche
d'un autre emplacement pour la
construction de cette cité judi-
ciaire. Le plateau St-Esprit pourrait
alors connaître un développement
en rapport avec ce qu'il représente
dans l'histoire de la ville, ceci dans
le respect des vestiges qui s'y
trouvent et des récentes décou-
vertes archéologiques révélées par
les fouilles.»

D'Stad Lëtzebuerg an de jëtzege
Buergermeeschter, de Paul Hel-
minger, haten en alternative Site
proposéiert op der Rode de
Bonnevoie, an de gréngen Depu-
téierte Robert Garcia hat souguer
zu dëser alternativer Proposition
eng Proposition de loi an deem
Sënn eragereecht.

D'Proposition vum Site op der Ro-
cade de Bonnevoie wier eng ei-
gentlech „win-win“-Situatioun ge-
wiescht. Si wier direkt ëmsetzbar
gewiescht. D'Plaz wier ausbaubar
gewiescht. Et hätt sënnvoll zu en-
ger iwwerluechter Stad- a Landes-
planung bägedroen. An den drëtte
Pouvoir wier nëmme knapps 300
Meter vun deenen aneren zwee
Pouvoiren ewech. A mir hätten
d'Plaz um Hellege-Geescht kënne
behalen, fir eng flott a convivial
Plaz draus ze maachen.

Mä et sollt net esou kommen. Et
sollt komme wéi deen deemolege
Bauteminister dëst an der Cham-
ber zur Ofstëmmung eragereecht
hat, esou wéi de President hei elo
schonn drun erënnert huet.

De Projet ass esou ëmgeännert gi
mat der eenzeger Suerg, aus der
Zone tampon erauszekommen an
eben och eng Léisung fir d'Krypta
ze fannen. An doduerch ass dann
och dee Präis ëmgeännert ginn.

An engem Sënn vu Logik, esou wéi
dat och scho virdun hei ugeklon-
ge war, wäert déi gréng Fraktioun
sech dann och haut enthalen, well
se sech - aus deene Grënn, déi
ech dofir kuerz rappeléiert hunn,
Här President - och bei deem
éischte Vote enthalen hat, an do-
madder soen ech lech Merci fir
d'Nolauschteren.

■ **M. le Président.**- Merci, Ma-
dame Loschetter. Den nächste
Riedner ass den honorablen Här
Mehlen. Här Mehlen, Dir hutt
d'Wuert.

■ **M. Robert Mehlen (ADR).**-
Merci, Här President. Ech hu ge-
mengt aus enger vun Äre Remar-
quen erauszehéieren, datt Der on-
gedélleg wäert fir bei de Projet vun
der Nordstrooss ze kommen. Et
léisst sech awer net évitéieren, e
puer Wuert zu dësem Projet a virun
allem zu den Ursache vun dësem
Projet ze soen.

Et ass ee vun deene Projeten,
wann net de Modellprojet, deen ee
kënnt als Beispill huelen dofir, wéi
een et net soll maachen.

Mir hunn hei eng Iwwerschreidung,
rëm eng Kéier méi, déi notabel ass;
wann ech richtig gerechent hu
26,15% par rapport zum Projet ini-
tial. 26 Milliounen Euro oder 104
Milliounen Frang, fir déi déi nach
méi gewinnt si mat de Frangen ze
rechnen.

D'Erklärunge fanne mer am Rap-
port. Ech wëll dem Rapporteur bei
där Geleeënheet och Merci soe fir
seng Explikatiounen. Mä d'Ursaa-
chen, fir aus de Feeler ze léieren -
et ass bekannt an ech wëll net bis
an d'ganz Genèse vun deem Projet
hei erëm zrëckgoen; do kéint ee
wahrscheinlech e Buch driwwer
schreiwen. De politeschen Hick-
hack tëscht Parteien, och vläicht
tëscht politesche Responsablen,
iwwert de Standuert Plateau St-
Esprit, et ass elo grad gesot ginn,
Rode de Bonnevoie, Stäreplaz -
den ADR hat deemools eier eng
Präferenz fir op d'Stäreplaz ze
goen, och fir deen Deel vun der
Stad doduerch opzewäerten. Et
ass awer herno de Site vum Pla-
teau St-Esprit zrëckbehalen ginn.

Här President, Dir sidd mer net
béis wann ech awer hei aus där Sit-
zung d'Ministesch vun den öffent-
leche Bauten zitéieren. Et war eng
Heure d'actualité, déi op Initiativ
vu mengem Fraktiounskolleeg
Jacques-Yves Henckes gefrot gi
war, an zwar den 10. Oktober 2001.
Do huet d'Madame Bauteminis-
tesch gesot: „D'Chamber hat an
deem Ablack, wéi d'Gesetz
gestëmmt ginn ass, schonn eng
kritesch Approche zum Projet. Mä
si huet awer, trotz der kritescher
Approche, de Projet gestëmmt.
D'Deputéierten hunn expressiv ver-
bis gesot, de Site géif hire Virstel-
lungen zwar net entsprechen, mä
si géifen de Projet awer stëmmen.“
Dat ass effektiv d'Realitéit. Et war
aus enger Situatioun vun Zäitnout
eraus - well jiddferee gesinn huet,
datt eppes misst geschéien -, wou
gesot ginn ass: Jo, da musse mer
alt zoustëmmen, och wa mer net
frou domat sinn.

Mir gesinn haut, wéi falsch datt et
war. Ech kann nëmmen ënner-
sträiche wat anerer viru mir och
scho gesot hunn: Wann een op
esou eng Plaz geet, da weess een,
datt een op Vestigé stéisst. Wann
een op esou eng Plaz geet, déi
deelweis scho verbaut ass - ech
erënneren un de Parking -, da
weess een, datt een zousätzlech
op Schwierigkeete stéisst. Mir
hunn dat elo gesinn, wéi mer de
Site besicht hunn. Wéi do gewullt
gëtt, wéi do getässelt gëtt, fir ier-
gendwéi laanschteneen ze kom-
men.

Mir mussen elo a Kaf huelen, datt
de Parking net esou grouss gëtt
wéi e geplangt war, wat herno ganz
sécher, wann dat Ganz bis fonc-
tionnéiert, och nach zousätzlech zu
Schwierigkeete féiert.

Et ass um falsche Site gebaut ginn.
Et kourm darbäi déi Affär vun der
UNESCO, wat als Folgen hat, datt
d'Plange komplett hu missen, zum
gréissten Deel, ëmgeännert ginn.

Et si Contrainten duerch bestehend
Gebäier an duerch d'Parkingen,
wéi gesot. An dann, fir mech awer
e ganz iergerleche Punkt, an deen
eis och vill Geld kascht, déi
Conservatioun vun deene Vestigé
vun deem Klouschter.

Wann een dat alles zesummen hält,
da versteet een de Conseil d'État
wann e seet, eng Kéier méi - ech
mengen et ass déiselwecht For-
mule, déi ëmmer erëm kënnt -: «Le
Conseil d'État, s'il peut admettre à
la rigueur le caractère imprévu de

certaines dépenses, doit cependant remarquer que le projet sous avis n'est guère compatible avec une conception, préparation et planification sérieuses d'un projet de construction d'une telle envelopure.» Dat kann een hei nëmme mat zwou Hänn ënnersträichen.

Ech wollt just zu engem vun deene ganz décke Punkten, déi de Surcoût hei generéiert hunn, e puer Froen opwerfen, an dat ass dat vun där Crypte archéologique.

Ech weess net, wann et fäerdeg ass a mir gesi wierklech wat do läit - wéi gesot, de Moment ass et mat Sand zougeschott -, da muss awer herno - dat meescht wäert jo mam Bagger ewechgeholl ginn -, mä wann et dann erëm un dat Rengt geet, da muss erëm mam Löffelchen do geschafft ginn. Mir hunn alt gemengt, vläicht wieren e puer Riichter esou gnädeg, deen een oder deen aneren en pénal dozou ze condemnéiere fir do mam Löffelchen zäitweileg ze wudderen. Da wier déi Aarbecht net och erëm eng Kéier op Käschte vum Contribuable.

Mä de Spaass op d'Säit, et muss ee sech mam Conseil d'État d'Fro stellen: War dat do wierklech néideg? Wann ee gesäit, wat fir e baulichen Opwand datt dat bedéngt, fir datt een herno e puer Grondmueren - well vill méi ass net do - gesäit.

Hätt een do net awer kënne mat Opnahmen a mat virtueller Duerstellung, wéi et fréier war - dat mag och elo nach geplangt sinn, ech weess et net -, trotzdeem deene Leit, déi dat hätte wëlle kucken, wierklech alles weise wat fonnt ginn ass an en och eng Impression ginn iwwert dat wéi et fréier mol war, ouni dee gewaltegen Opwand? Well deen Drock vun deene Gebaier, déi uewen eriwuer stinn, dee muss jo op de Fiels ënnen ofgedroe ginn, ouni datt dat, wat dann archeologesch do sollt en valeur sinn, därerf tangéiert ginn; an dat ass eng onméiglech Geschicht.

Et ass eppes, wann déi Obligation net bestanen huet, an aus der Dokumentatioun, wann een dat noliest, geet ervir, datt keng Obligation bestanen huet. D'Madame Hennicot seet: „Et ass nämlech esou, déi Avisé vun der ICOMOS sinn Avisé, déi fir d'UNESCO gemaach gi sinn.”

Et huet awer kee vun där doter ONG d'Kompetenz fir amplaz vun der UNESCO ze schwätzen. An et geet och ganz kloer doraus ervir, datt et keng Obligation war fir dat doten ze erhalen.

An deem Punkt, a besonnesch well et esou deier gétt, fanne mir et jidd-falls net richtig, datt d'Chamber net am Virfeld gefrot ginn ass, ob et misst konservéiert ginn oder net. Well, éierlech geschwat, et bréngt wahrhaftig net vill.

Ech wëll och nach drop hiweisen - an dat ass och eppes, wat eis stéiert -, datt mäi Fraktiounskolleeg Jacques-Yves Henckes den 23. Juli 2001 eng Question parlementaire gestallt hat, wou en op eng Fro iwwert den Avis vun der UNESCO, wat fir eng Suiten dass dat hätt, als Äntwert kritt huet: «L'avis de l'UNESCO est un avis consultatif, le Plateau du St-Esprit étant situé dans la zone tampon de la délimitation du patrimoine mondial. Il n'en découle pas de conséquences financières.» Esou ass nach de 7. August 2001 geäntwert ginn. Dat stëmmt net! Deen huet enorm «conséquences financières», an och do muss een da soen, datt d'Regierung vis-à-vis vun der Chamber, oder engem Vertrieeder vun der Chamber, net éierlech war.

Här President, och mir gesinn, datt hei muss den zousätzleche Kredit gestëmmt ginn. Dee Projet muss fäerdeg gemaach ginn. Mir sinn nach wie vor net glécklech driwwer. Et ass net déi richtig Plaz. Et wäert, wann d'Justiz weiderhi Plaz brauch, ganz geschwëe schonn erëm enk do ginn. Et ass verkéiers-

technesch net glécklech. Mä et ass ugefaangen, et muss fäerdeg gemaach ginn.

Awer Compte tenu vun deem, wat ech elo gesot hunn, vun där deeleweiser net Korrektheet vun der Regierung vis-à-vis vun der Chamber, wäerte mir eis, fir eise Protest dergéint auszedrécken, trotzdeem bei dësem Projet enthalen an der Majoritéit d'Verantwortung iwwerloosen, fir hei dee Kredit ze stëmmen.

Ech soen lech Merci.

M. le Président. - Merci, Här Mehlen. D'Wuert huet elo d'Regierung, de Bauteminister Claude Wiseler. Här Wiseler!

M. Claude Wiseler, Ministre des Travaux publics. - Merci, Här President. Wéi ech virun e puer Méint an deem Büro vun den Travaux publics ugefaangen hunn, hunn ech effektiv de Point gemaach wou mer op deenen eenzelne Projekte géingen dostoan a gemengt, et wär wichteg, direkt, esou schnell wéi méiglech mat der Chamber dee Kontakt ze kréien, deen ech och wëll an deenen nächste Jore mat der Chamber hunn, an do d'Analys vun deene grousser Projeten ze maachen.

Mir haten der eng Rei, déi Problemer gestallt hunn. Mir hunn der och schonn eng Rei an der Chamberskommission duerchdiskutéiert an och eng Rei hei am Plenum gestëmmt. Dat sinn: de Rond-point Märel, Gaasperech, d'Concertshal. Mir hunn elo d'Route du Nord an d'Cité judiciaire haut nach um Programm. All déi Diskussiounen an déi Konkusiounen, déi mer doraus gezunn hunn, hu mer an enger Diskussioun gezunn, déi ech awer an deene leschte Méint apprécieiert hunn, well se konnt eng ganz konstruktiv Diskussioun ginn, gradesou wéi haut. Dofir wëll ech souwuel der Travaux-publics-Kommission wéi der Commission de l'Exécution budgétaire an dem Här Marcel Sauber als Rapporteur villmools Merci soe fir déi Aarbecht, déi se fir haut gemaach hunn.

D'Madame Brasseur huet esou léif virdru gesot, datt een als Bauteminister Freed hätt, vill Bännercher duerchzeschneiden, op där anerer Säit awer heiansdo dann och déi schwéier Tâche huet, esou wéi haut an d'Chamber ze kommen. Ech muss awer soen, ech schneide vill méi Bännercher duerch wéi ech esou Texter an der Chamber maachen, an domat wëll ech soen, datt eng ganz Rei vun deene Projeten, déi mer maachen, déi mer exécutéieren, och Projekte sinn, wou mer net brauchen erëmze-kommen, Projekte sinn, déi am Kader vum Budget lafen, a Projekte sinn, déi korrekt an der Exekutioun esou lafe wéi se solle lafen.

Dat wollt ech awer eng Kéier soen, well et kënnt ëmmer d'Impression op heibannen, an der Press, wéi wann all Projet aus dem Rudder géing goen. Dat ass net richtig! Dat sinn déi, déi mer elo hei genannt hunn,...

(Coups de cloche de la Présidence)

M. le Président. - Schhhhhh!

M. Claude Wiseler, Ministre des Travaux publics. - ...an et sinn haaptsächlech Projeten - an dat muss een awer och gesinn -, déi en exzeptionelle Charakter hunn. D'Concertshal ass net egal wat fir ee Gebai. Esou eent hu mer nach net gebaut, esou eent baue mer och net méi. D'Cité judiciaire, déi mer elo hei hunn, ass trotzdeem eng aussergewéinlech Konstruktioun op enger aussergewéinlecher Plaz. Datt mer esou eng an deenen nächste Jore maachen, géing mech wonneren. Dir géingt lech jo souwisou iergere wa mer nach eng esou géinge maachen, mä ech mengen, souwisou maache mer keng esou méi, well et ass exzeptionell, et ass en unique Bau, an d'Nordstrooss brauch ech net ze beschreiwen an do schwätzen ech duerno och nach eng Kéier driwwer.

D'Zuel vun deene Projeten, déi korrekt ausginn, ass onwahrscheinlech vill méi grouss wéi déi, wou mer Problemer hunn, an ech soen nach eng Kéier hannendrun, ech denken, och wa mir eis nei Prozedure ginn, wou ech nach gären e Wuert duerno driwwer soen, ass dat net esou, datt mer net am Bau Problemer wäerte kréien. De Bau ass nun einfach eppes wat een esou vill Joer am Virus net ka mathematesch ausrechnen, op den Euro près wat et kascht, sou datt déi Diskussioun wäerten an der Chamber och nach an Zukunft opkommen.

Ech menge just, datt mer hinnen an Zukunft müssen e Kader ginn, wou se an engem anere Rhythmus, op eng aner Aart a Weis ofgewéckelt ginn, wou d'Diskussioun kann anescht lafen a wou mer se kënnen anescht an de Grëff kréien. Dat ass mäi Wonsch, an dat ass och dat wat ech mengen datt mer kënnen erreeche mat deene Propositionen, déi mer zesummen ausgeschafft hunn.

Et muss ee wëssen, datt dee Projet vun der Cité judiciaire, esou wéi en do läit, 1994 ausgeschafft ginn ass, an datt mer do d'Finalisatioun vum Programme de construction gemaach hunn. 1994, mir sinn elo 2005! Den Avant-projet sommaire ass 1998 gemaach ginn, an de 6. Abrëll 1999 ass de Gesetzesprojekt gestëmmt ginn.

De President huet virdru gesot, mir géingen net méi iwwert dee Gesetzesprojekt schwätzen, mä just iwwert d'Emännerungen dovunner. Dat ass richtig. Dofir ginn ech och net haut op all déi Diskussiounen an, déi den Emplacement uginn. Mir sinn haut amgaangen do ze bauen. Wann Der erausgitt an Dir kuckt et, wéi héich mer do sinn, dofir mengen ech sinn dat Diskussiounen, déi haut zwar ëmmer nach kënnen gefouert ginn, wou déi eng et regrettéieren, déi aner et gutt fannen, mä ech féieren se net, well dat ass net meng Missioun.

Meng Missioun ass, esou schnell wéi méiglech, esou bëlleeg wéi méiglech an esou korrekt wéi méiglech dee Bau hei fäerdeg ze kréien. Dofir wëll ech net iwwert d'Philosophie vun den Architekten schwätzen. Ech menge par contre, datt all déi Diskussiounen, déi mer drëm hate sengerzäit an déi zu dësen Ännerunge gefouert hunn, an déi och haut dann den Objet vun deem Projet sinn, all déi Diskussiounen, déi Diskussiounen mat der UNESCO, déi Diskussiounen, déi mer mat der Stad Lëtzebuerg gefouert hunn,...

(Coups de cloche de la Présidence)

...de Projet awer verbessert hunn, an datt mer haut an engem Projet sinn, wou ech muss soen, datt en, mat deenen Oplagen, déi d'UNESCO gemaach huet, op där Plaz awer Sënn mécht.

(Coups de cloche de la Présidence)

Et muss een och soen, datt mer dee Projet hei - an ech ka mech drun erënneren, well ech déi Zäit souwuel an der Stad Lëtzebuerg am Schäfferot war wéi an der Commission de l'Exécution budgétaire -, datt mer déi Diskussiounen hei matenee gefouert hunn. Ech ka mech erënneren un déi Sëtzunge vun dem 25. September 2001, dem 17. Dezember 2001, wou meng Virgängerin, d'Madame Hennicot, an der Chamber war an am Detail mat enger grousser Powerpoint-Presentatioun genau virgestallt huet, wat dann elo d'Demandé vun der UNESCO waren, wat dann elo d'Demandé vun der Stad Lëtzebuerg waren, wat huet misse geännert ginn, fir den Accord ze kréien, a wéi dee Projet an Zukunft géing ausgesinn.

Also Informatiounen, muss ech soen, un d'Chamber an där ganzer Prozedur, an deene ganzen Emännerungen, ware schonn do, déi dann zu deem Projet gefouert hunn an déi och dem Bau, deen den 3. Dezember 2002 ugefaangen huet, zugrond geluecht si ginn.

Elo ass et natierlech esou, datt haut gesot gétt, all déi Diskussiounen do, dat ware just Informatiouns-, mä keng Décisionsdiskussiounen. Ech wëll awer nach drun erënneren, datt déi Zäit déi ganz Diskussioun ganz anescht gelaf war, well een nach keng Modalitéiten hat, wéi een da géing no engem Gesetz Décisiounen huelen, déi dee Projet géingen esou emänneren. Dat war trotzdeem eppes anescht, trotzdeem eppes Neies, d'Prinzipië waren net do, wéi et soll lafen, war net décidéiert, war net definéiert.

Well ech déi Problemer jo awer gesinn a well ech och déi Schwierigkeiten, déi eng Commission de l'Exécution budgétaire kann hunn, duerchaus verstinn, hunn ech einfach drop gehalen, datt mer eis géingen zesummen eng Prozedur ginn, wéi mer an esou Fäll handeln, an datt ee weess wat dann elo soll gemaach ginn, muss gemaach ginn, wéini wat fir eng Décisioun vun der Regierung, vun der Chamber soll geholl ginn, fir datt mer dat alles an Zukunft an engem korrekten, an engem uerdentleche Kader wëllen a kënnen oflafe loossen.

Mir hunn och aus deem Projet hei eng Rei Saache geléiert. Ech weess just net, ob déi Léieren duerno eis esou an der Realitéit ëmmer all Problem aus dem Wee raumen. Mä wat hu mer doraus geléiert? Mir hunn doraus geléiert, datt déi grouss Transformatiounen, wa mer se maachen, nodeem datt e Gesetzesprojekt gestëmmt ass, eis ëmmer wäerte finanziell Problemer bréngen. D'Léier ass also kloer déi: All déi Etüde musse virdru gemaach ginn, all déi Autorisatiounen musse virdru gefrot ginn, an dofir muss de Gesetzesprojekt net an där doten Etapp, mä vill méi spéit gestëmmt ginn, fir datt mer genau wëssen, datt mer net an déi dote Problemer kënnen erakommen, nodeem datt mer e Gesetzesprojekt gestëmmt hunn. Dat wäerte mer och probéieren ze maachen.

Ech soen awer och, ech sinn net sécher, ob dat do ëmmer esou géilängt. Well ech ka mer ganz gutt virstellen, datt, nodeem datt e Bau ugefaangen huet, awer Froen, Problemer nach ëmmer kënnen optauchen - wat ënnert dem Buedem läit, wësse mer jo net ëmmer, dat ass ee Beispill -, déi awer nach déi eng oder déi aner Décisioun wäerten a Fro stellen, an déi eng oder aner Décisioun muss kënnen nei geholl ginn. An da soen ech, wa mer probéieren datt esou vill wéi méiglech ze évitéieren, da muss een dee Moment, wou een et net kann évitéieren a wou eng Noutwennegkeet do ass, awer och kloer sech sinn, wéi een dann an der Chamber handelt fir ze kucken, datt een dat normal a korrekt op de Wee kritt.

An dofir hu mer jo an deene Prozeduren, déi mer eis definéiert hunn, festgeluecht, datt mer géingen higoen an an engem fréie Plang, da wann d'Décisioun nach net definitiv ass, d'Informatioun vun der Chamber maachen an dann och der Chamber d'Méiglechkeet ginn, zu engem Moment wou den Neen nach méiglech ass, Jo oder Neen zu deenen dote Saachen ze soen.

Dat ass also och eng méi grouss Responsabilisatioun vun der Chamber an enger Etapp wou Décisiounen nach méiglech sinn. An ech sinn u sech e Befürworter vun där doter Prozedur, well se eng Transparenz an déi ganz Prozeduren erabrängt a well se eis eng Kollaboratioun zesumme mécht wou duerno dat alles kann an engem ganz anere Kader oflafen. Dat waren déi puer Saachen, déi ech heizou wollt soen.

Et sinn e puer Froen gestallt ginn, zum Beispill déi vun de Statsarchi-

ven, wou mer do dru sinn. Well d'Statsarchiven, wa se frësch zu Belval gebaut gi jo dann och eng Influenz hunn iwwert déi Extentionsméiglechkeeten, déi mer wäerten hu fir d'Cour hei. Do ass, hoffen ech, d'Äntwert, datt mer och kënnen am Joer 2006 mat de Statsarchiven op Belval ufänken; dee Projet de loi ass fäerdeg.

Et muss ee just wëssen, datt mer gefrot hu fir ze kucken ob et méiglech wier, well déi Statsarchiven eng relativ grouss Extensioun hunn a se geplangt si fir 15, 20 Joer, an enger éischter Etapp nach en Deel vun der Universitätsbibliothéik, déi sur place ass, dran ze bréngen oder net. Dat ass gekuckt ginn. Déi Décisioun ass nach net geholl, mä déi Décisioun ass elo prett fir geholl ze ginn. Soubal mer déi Décisioun geholl hunn, kann dann och dee ganze Projet hei an d'Chamber kommen, hei an der Chamber decidéiert ginn an dann och weiderlafen.

Wéi gesot, dat ass eng Décisioun, déi nach hei an d'Chamber kënnt an déi dann och hei an der Chamber kann diskutéiert, kommentéiert an zu engem Deel sécherlech mat influenziert a mat decidéiert ginn. Dat ass déi éischt Äntwert.

Ech sinn awer - well ech net esou si wéi den Här Goebels, Optimist - éischter ganz virsiichteg a mengen Aussoe vun Datumen a wëll hei den Datum net virgi wéini déi Gebaier dann elo fäerdeg sinn. Ech soen lech, ech hoffen, datt mer se am Joer 2006 mam Fonds Belval kënnen ufänken an da brauch dat déi normal Baudauer, déi een ebe muss hunn, ier een esou e Gebai ka fäerdeg stellen, wann dann näischt virkënnt, wat eis géing Problemer stellen.

(Interruption)

Méi wëll ech net soen, well ech einfach virsiichteg sinn a well net nëmmen déi Problemer kënnen virkommen, déi mer hu wann am Buedem eppes läit, mä well mer och bei all Soumissioun, déi mer erausginn, hoffen, datt dann net ee reklaméiert an datt mer net eng Gerichtsprozedur kréien, also datt mer net gebremst ginn an dofir ass et bal onméiglech definitiv Datumen an deenen dote Projeten ze ginn.

Et ass en aneren Délai, deen hei gefrot ginn ass, deen awer direkt mat der Cité judiciaire zesumenhängt, dat ass deen, wéini dann déi Cité judiciaire fäerdeg ass. Mir denken, datt mer Enn 2007 esou wäit sinn. Awer ëmmer nëmmen - an da maachen ech och do d'Klammer -, wann all Soumissiounen richtig lafen, wa mer net op aner Problemer stoussen, ass dat deen normalen Terminkalenner, dee mer elo hunn, esou datt ee kann dovunner ausgoen, datt d'Plänneraktioun kann am Joer 2008 stattfannen, mat alle Reserven, déi ech ëmmer umelle fir all Imprévuen, déi ebe beim Bau dra sinn.

An dann déi lescht Fro, déi Der hat: Wat ass mat dem Palais vun der Cour de Justice geplangt? Einstweilen ass nach keng definitiv Décisioun doriwwer geholl, wat mat deem Palais dann ze geschéien huet. Déi Décisioun ass nach op. Déi muss nach geholl ginn.

Voilà, ech mengen ech hunn elo op déi Froe geäntwert, déi gestallt waren. Ech soen lech alleguer nach eng Kéier villmools Merci fir déi konstruktiv Décisioun an deen hofentleche positive Vote, deen dann elo kënnt. Merci.

Plusieurs voix. - Très bien.

M. le Président. - Merci, Här Minister. Mir kommen dann zur Ofstëmmung vun dësem Projet de loi.

Vote sur l'ensemble du projet de loi et dispense du second vote constitutionnel

De Projet de loi ass ugehall mat 48 Jo-Stëmmen an 12 Abstentiounen.

Ont voté oui: Mme Nancy Arendt, M. Lucien Clement, Mmes Christine Doerner, Marie-Josée Frank

(par M. Marcel Oberweis), Marie-Thérèse Gantenbein-Koullen, MM. Marcel Glesener, Norbert Hauptert, Mme Françoise Hetto-Gaasch, MM. Ali Kaes, François Maroldt, Paul-Henri Meyers, Laurent Mosar, Marcel Oberweis, Patrick Santer, Marcel Sauber, Jean-Paul Schaaf (par Mme Martine Stein-Mergen), Marco Schank, Marc Spautz, Mmes Nelly Stein, Martine Stein-Mergen, MM. Fred Sunnen, Lucien Thiel, Lucien Weiler et Michel Wolter;

MM. Marc Angel, Alex Bodry (par M. John Castegnaro), John Castegnaro, Mme Claudia Dall'Agnol, M. Fernand Diederich, Mme Lydie Err, MM. Ben Fayot, Jean-Pierre Klein, Mme Lydia Mutsch, MM. Roger Ngri, Jos Scheuer, Romain Schneider, Roland Schreiner et Mme Vera Spautz;

MM. Xavier Bettel, Niki Bettendorf, Mme Anne Brasseur, M. Emile Calmes, Mme Colette Flesch, MM. Charles Goerens, Henri Grethen, Paul Helminger, Claude Meisch (par M. Emile Calmes) et Carlo Wagner (par M. Henri Grethen).

Se sont abstenus: MM. Claude Adam, François Bausch, Félix Braz, Camille Gira (par M. Henri Kox), Jean Huss, Henri Kox et Mme Viviane Loschetter;

MM. Gast Gibéryen, Jacques-Yves Henckes, Aly Jaerling (par M. Jacques-Yves Henckes), Jean-Pierre Koepp (par M. Gast Gibéryen) et Robert Mehlen.

Gëtt d'Chamber d'Dispens vum zweete Vote constitutionnel?

(Assentiment)

Et ass also esou décidéiert.

Mir kommen dann zur Diskussioun vum leschte Projet de loi fir haut, déi budgetär Upassung beim Bau vun der Nordstrooss. Et si bis elo ageschriwwen: den Här Calmes, den Här Diederich, d'Madame Loschetter an den Här Mehlen. D'Wuert huet elo de Rapporteur vum Projet de loi, den honorabelen Här Ali Kaes.

6. 5477 - Projet de loi relatif à l'adaptation budgétaire du projet de construction d'une route reliant Luxembourg à Ettelbruck

Rapport de la Commission des Travaux publics

M. Ali Kaes (CSV), *rappor-teur*.- Merci, Här President.

Här President, Dir Dammen an Dir Hären, wa mer de Bléck zréck an de Juli 1997 riichten, da blécke mer och zréck op den Ofschloss vun enger dach emotionaler Debatt. Eng Debatt, déi schonn Enn der 60er Joren, genau gesot 1967, hiren Ufank fonnt hat. Et géng u sech elo ze wäit féiere wa mer nach weider an der Lëtzebuurger Stroossebaugeschicht zréckbliedere géifen, mä just vläicht zur Informatioun, et gouf schonn an der Zäit virum Zweete Weltkrich an et-lechen Etüden driwwer nogeduecht, wéi een eng Stroossenubannung an den Norde kënnt realiséieren.

Am Fonds-des-Routes-Gesetz vum 16. August 1967 ass ënnert dem deemolege sozialistesche Baute-minister Albert Bousser festgehale gi fir eng Strooss ze bauen, déi ënner anerem Lëtzebuerg mat Ettel-bréck soll verbannen. Spéiderhin am Programme directeur vum 6. Abrëll 1978 mam Titel «Aménagement du territoire et développement du réseau routier» ass noze-liesen:

«L'autoroute Luxembourg-Ettel-bruck-Diekirch est nécessaire à l'amélioration et au développement de la région nord du pays, au soutien du centre de développement et d'attraction d'ordre moyen Ettel-bruck-Diekirch, au pôle Bissen-Colmar-Berg ainsi qu'à l'amélioration des conditions de trafic et de résidence dans la zone urbaine et dans la vallée de l'Alzette.»

A bei der Revisioun vun dësem Programme directeur am Joer 1988 ass weiderhi festgehale ginn:

«La Route du Nord a toujours été considérée comme l'épine dorsale du trafic entre l'Oesling et le Centre...»

Wat duerno komm ass, Dir Dammen an Dir Hären, waren an den 80er an an den 90er Joren eng Rei vun Etüden, déi verschidde Varianten duerchgespillt haten an déi der Regierung virgeluecht gi sinn. Den 19. März 1992 huet d'Chamber sech mat enger 2/3-Majoritéit fir d'Ostvariant vun der Nordstrooss décidéiert, wat schlussendlech zum Dépôt vum Gesetzesprojet 4037 gefouert huet iwwert d'Ëmän-nerung vum Fonds-des-Routes-Gesetz an dunn zum Projet de loi 4263, deen den 9. Juli 1997 an der Chamber gestëmmt ginn ass an deen d'Regierung habilitéiert huet, fir déi sou genannten Nordstrooss ze bauen; mat engem Käschte-punkt, dee sech deemools op ronn 15 Milliarden aler Frang belaf huet.

(M. Niki Bettendorf prend la Présidence)

Et wat eng hëtzeg Diskussioun an der Öffentlechkeet, déi eist Land riskéiert huet ze dividéieren zwëscent Norden a Süden, Osten a Westen. Dat geet och aus deenen interessante Chambersdebatte vun deemools ervir, wou zum Beispill bei engem fréiere Member aus der CSV-Fraktioun zum Gesetz vum 27. Juli 1997 iwwert de Bau vun der Nordstrooss nozeliesen ass:

„Ech mengen, jiddereen, deen heibannen ass, muss verstoen, dass eis Matbirger aus dem Norden, mä net nëmme si, och d'Awunner aus dem Uelzechtdall, net kënnen novollzéie firwat d'Nordstrooss ëmmer annoncéiert awer ni gebaut ginn ass. Ech wëll hei souguer behaupten, datt déi betrafte Leit heiansdo d'Impressioun haten, datt grad just hir Revendicatiounen net eescht geholl gi sinn.

An deenen 30 Joer, wou iwwert d'Nordstrooss geschwat ginn ass, ass hei zu Lëtzebuerg e modernt Stroossennetz geschafe ginn, wat alle Regiounen zegutt komm ass. Et stellt ee fest, datt do wou en dévloppéiert Stroossennetz besteet, d'Wirtschaft e Sprong no vir gemaach huet. Et däerf een drun erënneren, datt an deene leschte Joren d'Collectrice du Sud fäerdeg gestallt ginn ass, eng Autobunn op Arel an eng op Tréier gebaut gi sinn, eng Schnellstrooss op Saar-brécken hei an der Chamber gestëmmt ginn ass an am Moment a Konstruktioun ass. Un dëse Stroossen, déi jo mat Statsgelder finanzéiert goufen, hu sech och d'Awunner aus dem Norden an aus dem Uelzechtdall finanziell bedeelegt.

An dësem Kontext mengen ech, datt d'Solidaritéit och a Richtung Norde muss spillen. Mir ass net bekannt, datt an der Zäit, wou dës Stroosse gebaut goufen, am Norden an am Uelzechtdall de Sënn an den Zweck vun dëse Stroossen a Fro gestallt gi wier. Dat wier och net richtig gewiescht, well jidde-reen hiren Notzen haut kann erkennen.”

Dat war en Auszuch aus enger ganz engagéierter Ried vun dem Nico Loes hei op dëser Plaz.

Et war 1997, wéi gesot, eng héich emotionaliséiert Debatt iwwer e Projet, deem seng Nätzlechkeet haut awer iwwerwiegend net méi a Fro gestallt gëtt. Och wa sech d'Gemidder nach ëmmer net ganz berouegt hunn. D'Nordstrooss bleift eng wichteg Komponent am Entwécklungsprozess vun enger Region, déi nach ëmmer eng Rei Strukturschwächten opweist. D'Nordstrooss ass a bleift e Projet mat enger nationaler Envergure, déi sech fir d'Entwécklung vum Land am Allgemengen, mä awer am Norden am Besonnesche wäert ausbezuelen. Déi zügeg Fäerdegstellung vun dësem Projet muss duerfir eng Prioritéit am nationale Stroossebau kréien a behalen.

Dëse Projet gëtt méi deier, an duer-fir debattéiere mer haut de virleien-de Projet iwwert d'Rallonge budgé-taire vun der Nordstrooss, deen den 23. Mee 2005 vum Här Baute-minister Claude Wiseler an der Chamber deponéiert gouf. Den Text ass den 12. Mee un de Stats-rot verwise ginn, deen den 21. Juni säin Avis ofginn huet. An der Sët-zung vun der Bautekommissioun vum 1. Juni ass dunn de Rapporteur designéiert an d'Elementer vum Projet analyséiert ginn. Den Avis vum Statsrot konnt an der Sët-zung vum 29. Juni dunn ënnert d'Lupp geholl ginn. Den ofschléis-sende Rapport vun der Kommis-sioun ass an der Sëtzung vum 7. Juli 2005 adoptéiert ginn.

Här President, léif Kolleeginnen a léif Kolleegen, mam virleienden Text gëtt d'Regierung autoriséiert fir weider Aarbechten ze tätegen, déi sech op ronn 229 Milliounen Euro belafen. Et sinn dat Méiaus-gaben, déi sech an der Haapt-saach duerch d'Evolutioun vum Projet u sech erkläre loossen an déi sech op déi véier Sektione vum Projet bezéien. An erlaabt mer kuerz fir op déi eenzel Adaptatiou-nen anzegoen.

D'Dépassementer an der Sektio-n 1 resultéieren aus Ëmännerunge bei der Jonctioun Gréngewald mat supplementare Bauaarbechten a virun allem aus der Verbreederung vun der A1 zwëscent dem Echan-geur Kierchbierg an dem Sennen-gerbierg. Dat heescht Aarbechten, déi am initiale Projet net an där Form virgesi waren.

D'Méikäschte vun der Sektio-n 2 loossen sech virun allem duerch déi zousätzlech Voie am Tunnel Grouft an duerch deen zousätz-leche Sécherheetstunnel op enger Längt vun 80 Meter erklären. Dëst ass ënner anerem d'Äntwert op zousätzlech Sécherheetsmoos-snamen, wat ouni Zweifel zu enger ver-besserter Sécherheet am Tunnel selwer bäidréit. Zousätzlech Kä-schten, Dir Dammen an Dir Hären, ginn och duerch Moossnamen op der Héicht vum Grondwaasserspi-gel an duerch weider elektrome-chanesch Equipementen verur-saacht.

Bei der Sektio-n 3 gëtt eng speziell Belichtung installéiert, fir eng opti-mal Integratioun an d'Landschaft sécherzestellen.

D'Dépensé vun der Sektio-n 4 ginn duerch weider noutwendeg Aar-bechten am Génie civil am Gous-seler Tunnel compléiert, an dat virun allem an der Galerie 8. Dobäi kommen och nach d'Käschte vun den elektromechanischen Equi-pe-menter, déi weinst enger Rei vun europäeschen Direktive mussen adaptéiert ginn, esou wéi se haut virgeschriwwen gi vun deene respektiven Direktiven.

Schlussendlech sief nach drop hi-gewisen, datt d'Etüden zu deenen eenzelne Sektione leschten Enns alleguerte méi deier gi sinn, vis-à-vis vun den initiale Käschten, déi virgesi waren. Den neien Devis dréit dëse Käschten deemno och Rechnung.

De Gesetzesprojet modifiéiert awer och nach den Artikel 5 aus dem Gesetz vum 27. Juli 1997 iwwert d'Nordstrooss, deen u sech d'Me-sures compensatoires festhält. Et huet sech nämlech erausgestallt, datt de Passage fir Wëld iwwert d'Nationalstrooss N11 technesch schwéier réalisierbar ass, dat vi-run allem duerch d'Topographie vum Terrain.

Och um cynégétesche Plang, dat heescht um Plang vun der Juegd, ass bezweifelt ginn, ob esou eng Moosssnam iwwerhaupt déi néideg Effikassitéit huet. Doriwwer eraus weisen 13 vun deene 14 ënnerier-desche Passagé fir klengt Wëld ënnert der Nordstrooss technesch Schwierigkeete bei der Realisa-tioun op, wat d'Experten zur Kon-klusioun komme gelooss huet, datt

sech déi agespuerten Zomme bei der Suppressioun vun dëse Kom-pensationsmoosname sënnvoll kéinte fir d'Modifikatiounen beim Bau vun der Nordstrooss asetze loossen.

Dat betrëfft deemno virun allem den Elargissement vum Tunnel Grouft an d'Suppressioun vum Bëschgebit op enger Surface, déi leschten Enns och méi grouss ginn ass, wéi et initialement geplangt war.

Här President, Dir Dammen an Dir Hären, dat sinn u sech d'Haaptele-menter aus dësem Gesetz. Wat den Avis vum 21. Juni 2005 vum Statsrot ubelaangt, esou ass d'Tounlag u sech eng ähnlech wéi bei anere grouse Bauprojeten, déi eng Rallonge budgétaire ge-braucht hunn. Déi héich Kierper-schaft lëscht an deem Kontext eng ganz Partie vu Bauprojeten op, fir dann zum Schluss ze kommen, datt se duerchaus kéint verschid-den Dépassementer beim Bau vun der Nordstrooss novollzéien. Bei aneren Dépensen huet sech de Statsrot awer d'Fro gestallt, ob de gesamten Dépassement vu ronn zwee Drëttel vun initialen Devis nach enger seriöer Konzeptioun, Preparatioun a Planifikatioun vu groussen Infrastrukturprojete géif entsprechen.

De Statsrot huet sech och gewon-nert, dass een sech där technes-cher Problemer beim Bau vum Passage fir Wëld a vun den ënner-ierdesche Passagé fir Klengwëld net vun Ufank u bewosst war. Déi héich Kierperschaft huet op alle Fall ugekënnegt sech formell ze opposéieren, wann déi agespuer-ten Zommen op Aarbechten un der Nordstrooss verwendt ginn, am Fall wou dës Aarbechten net an de Champ d'application vum Artikel 5 vum Gesetz vum 27. Juli 1997 géi-fe falen. De Statsrot mengt, datt all nei Affektatioun vu Suen iwwert de gesetzleche Wee misst geregelt sinn an deemno misst den Artikel 5 an dësem Gesetz an dësem Geescht ëmgeännert ginn.

De Baute-ministère huet eis versé-cherst déi disponibel Kreditter duerch d'Suppressioun vun de Passagé fir Wëld nëmmen no den Dispositiounen vum Artikel 5 vum Gesetz vun 1997 ze verwenden. En entsprechend Schreiwe mat den néidege Garantien ass un de Stats-rot gaangen, adresséiert mat Da-tum vum 4. Juli, a Kopie un d'Bau-tekommissioun, fir dem drohende Refus vun der Dispens vum zweete Vote constitutionnel entgéintzetrie-den. De Statsrot huet heizou eng positiv Äntwert ginn.

D'Memberen an der Kommissioun hunn den Avis vum Statsrot natier-lech an all sengen Einzelheeten duerchgeackert. D'Kritik, datt de virleiende Projet net de richtege Montant vun den Dépassementer uféiert, konnt dohigehend entkräft ginn, datt sech un zwee verschid-de Bauindexen orientéiert gouf. De Montant, deen an där initialer Ver-sioun vum Projet ageschriwwen ass, ass schlussendlech dee rich-tegen an definitiven.

D'Kommissioun huet sech op ver-schidde Froe konzentréiert. Et ass vum Ministère ënner anerem prez-iéiert ginn, datt déi 14 Passagé fir Klengwëld u sech no reng theore-tesche Considératiounen am Projet dévloppéiert goufen. Eréischt no an no hu sech déi technesch Pro-blemer bei enger eventueller Real-isation bemierkbar gemaach, wat schlussendlech zur Décisioun ge-fouert huet, fir dës Passagen aus de Baupläng ze sträichen.

Des Weideren ass dorobber hige-wise ginn, datt d'Aarbechten de Grondwaasserniveau nach net er-reecht hunn. Iwwert de Wee vun enger Konventioun soll de Gratis-approvisionnement vun Drénk-waasser fir d'Gemeng Luerenzwei-ler séchergestallt ginn, wou ënner anerem d'Quantitéite festgehale ginn, déi d'Gemeng duerch de SEBES kompenséiert kritt, am Fall wou bei den Aarbechte Waasser aus de Luerenzweiler Quelle ver-luer geet.

Wat de Fortgang vun den Aarbech-te vun de sou genannten „mesures compensatoires“ ubelaangt, sou ass festgehale, datt nach eng Rei Problemer bei der Acquisitioun vun den Terrainë bestinn.

Och wann nach ëmmer Onstëm-megkeeten zwëscent dem Stat an enger Entreprise iwwert d'Stabilisa-tiounsaarbechten am Gous-seler Tunnel bestinn, sou konnten d'Aar-bechten awer ofgeschloss ginn. D'Experte sinn amgaang, d'Fro iwwert d'Responsabilitéiten of-schléissend ze klären, wat awer net verhënnert huet fir d'Entreprise ze bieten, d'Aarbechten dach zu hi-rem Ofschloss ze féieren, an dat no de Konditiounen vun der Administra-tion des Ponts et Chaussées, déi an engem Avenant zum Marché ini-tial festgehal goufen.

Et sief an deem Kontext nach eng Kéier dorop higewisen, datt no ver-schiddene Problemer, déi sech beim Bau vum Tunnel Goussel ge-stallt hunn, d'Verwaltung vu Ponts et Chaussées huet missen nei Pro-zeduren ausschaffen, fir de Suivi vum Bau vum Tunnel Grouft ze ga-rantéieren. Dës Prozedure goufen an enker Zesummenaarbecht mat auslänneschen Experten defi-néiert.

Här President, Dir Dammen an Dir Hären, ech denken, datt ech lech an de Memberen hei am Parlament déi néideg Informatiounen iwwert dëse Gesetzesprojet ginn hunn. Ech mengen, datt och dëse Projet net vu Kritik vun deem engen oder vun deem anere verschount bleift. Ech wëll awer dorun erënneren, datt de Baute-minister an dësem Dossier mat aller Transparenz ope-réiert huet. Ech denken doriwwer eraus, datt déi Pisten, déi vun him an der Commission du Contrôle de l'exécution budgétaire et des Comptes opgezechent gi sinn, e richtegt Signal duerstellen, fir an Zukunft déi finanziell Enveloppe vun esou grouse Projekte besser kënnen ze evaluéieren. Ech blei-wen awer dobäi, datt d'Nord-strooss e wichtege Projet fir eist Land a fir den Norden duerstellt.

Dëst gesot, soen ech lech als Rap-porteur Merci fir Är Opmierksam-keet.

Plusieurs voix.- Très bien!

M. Ali Kaes (CSV), *rappor-teur*.- Här President, Dir Dammen an Dir Hären, erlaabt mer, datt ech awer nach am Numm vu menger Fraktioun an a mengem perséin-lechen Numm hei op en anert Stéck vun der Nordstrooss aginn.

Mme Anne Brasseur (DP).- Elo hu mer schonn „très bien“ ge-sot!

(Hilarité)

M. Ali Kaes (CSV), *rappor-teur*.- Et handelt sech ëm dat Stéck tëscent dem Contournement vu Schieren an dem Rond-point Fried-haff.

Dir Dammen an Dir Hären, ech hunn elo grad e Projet de loi expli-zéiert wou et dorëm geet, zousätz-lech Finanze fir en Deelstéck vun der Nordstrooss ze accordéieren. Dee gréissten Undeel vun deenen zousätzleche Käschten ass op zousätzlech Mesuren zréckzeféi-eren, déi d'Nordstrooss nach méi sécher solle maachen. Zum Bei-spill, eng drëtt Pist am steigenden Tunnel Grouft, e Säitentunnel vun 80 m als Fluchtwee an anerer. Ech kann dëst nëmme begrëssen, well d'Sécherheet vun den Automobi-listé muss eis alleguerten e ganz besonnescht Uleies sinn.

Dir Dammen an Dir Hären, dës Sé-cherheet ass awer manifestement net um Contournement Schieren-Ettelbréck ginn, well dëst Stéck einfach net méi den heitege Ver-keiërsitatiounen ugepasst ass.

Éischstens ass de Contournement op enger ganzer Rei vu Plaze vill ze schmuel.

(Coups de cloche de la Présidence)

Zweetens, et gëtt net déi ge-réngsten Auswäichméiglechkeeten